




# TAUSAGA 9



## FAKASOLOGA O ULUTALA

### VAEGA 1: KO TULAFONO SEFULU:

Ulutala	1:	E tokotasi fua a te Atua	5
Ulutala	2:	Sa tapuaki ki tupua io me ko Atua faite	6
Ulutala	3:	Sa fakaaoga `se a te igoa o te Atua	8
Ulutala	4:	Ko te Sapati	9
Ulutala	5:	Ava ki otou tamana mo otou matua	10
Ulutala	6:	Sa tatino	12
Ulutala	7:	Sa mulilua	13
Ulutala	8:	Sa kaisoa	15
Ulutala	9:	Sa fakaloilo	16
Ulutala	10:	Sa kaimanako	18

### VAEGA 2: FOLAFOLA ATU A IESU:

Ulutala	11:	Ko tulafono fou	20
Ulutala	12:	Ko te poloakiga fou	21

### VAEGA 3: TE TALO NE AKOAKO MAI NE TE ALIKI:

Ulutala	13:	Te Atua te Tamana	22
Ulutala	14:	Te igoa otou Atua	24
Ulutala	15:	Te Malo o te Atua	25
Ulutala	16:	Te loto o te Atua	26
Ulutala	17:	Te fakasoa a te Atua	27
Ulutala	18:	Te fakamagaloga a te Atua	28
Ulutala	19:	Te tausiga a te Atua	30
Ulutala	20:	Ko vikiga o te Atua	31

### VAEGA 4: IESU KO TE FAKAAKOAKOGA TONU KI TE OLAGA

Ulutala	21:	Ke faka`malu ki te Sapati	33
Ulutala	22:	Fakatokatoka mo tapuakiga	34
Ulutala	23:	Alofa kaimalie	36
Ulutala	24:	Fai talosaga	37
Ulutala	25:	Alofa kae fai fakalei ki tino fakaalofa	38

**Fakatomuaga:**

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

**Akoakoga:**

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosi a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

**Mea fai a Tamaliki:**

Fesili mo tali (e fakatoka ne faiakoga a fesili)

**Fuaiupu Tauloto:**

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e lotu koutou ki ei, mo te mea e manako ki ei otou lotu. Kae masaua i te Atua e fakamasino ne ia a koutou. Amene.

**Pese:** Give me oil in my lamp io me fili mai tusi pese

**Talosaga:**

Te motou Tamana, e tapu a tou igoa kae ke fai te mea e lotu koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, Amene.

<b>Ulutala 26: A'lofa ki tino kola e saisaitia kae puapuagatia olotou olaga</b>	<b>40</b>
<b>Ulutala 27: Ko te olaga faimeatonu</b>	<b>41</b>
<b>Ulutala 28: Ko te kaufakatasi i fanoanoaga mo mafatiaga nisi tino</b>	<b>43</b>
<b>Ulutala 29: Ko te malosi o te ola i luga i te mate</b>	<b>44</b>
<b>Ulutala 30: Ko te Fakasatauloga o Iesu</b>	<b>46</b>
<b>Ulutala 31: Ko te Toetu Manumalo Iesu mai te mate</b>	<b>47</b>
<b>Ulutala 32: Ko te folafolaga kia Malia</b>	<b>49</b>
<b>Ulutala 33: Ko te folafolaga kia Iosefa</b>	<b>51</b>
<b>Ulutala 34: Ko te folafolaga ki Tausi Mamoe</b>	<b>53</b>
<b>Ulutala 35: Ko te fanau mai o Iesu</b>	<b>54</b>
<b>Ulutala 36: Ko mealofa a tino poto mai te sopogala</b>	<b>56</b>
<b>Ulutala 37: Te Aso o te Tala 'lei</b>	<b>59</b>
<b>Ulutala 38: Te Aso o 'Matua</b>	<b>60</b>
<b>Ulutala 39: Te Aso o Tamana</b>	<b>62</b>
<b>Ulutala 40: Te Aso o Talavou</b>	<b>63</b>

## TUSI AKOGA ASOTAPU MÔ TE TAUSAGA 9 TUSI MÔ FAIAKOGA

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamasa-ni mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o aga-ga o fanau gasolo o 'tou Ekalesia kae maise 'tou Atufenua. Te feitu tãua e 'se ko te tauloto fua mai loto i te tusi tenei, kae ko te fakaaogaga o te Tusitapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosia e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masau ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

**Fuaiupu Tauloto:** 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

**Pese:** Head, Shoulders, Knees and Toes

### Talosaga:

Te Alik, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

### ULUTALA 40: TE ASO O TALAVOU

**Pogai:** Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaigina kae ke fakatauagina.

**Tusi Faitau:** Failauga 11:9-10:1

### Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

### Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Tamana. Te tamana ko ia kote takitaki. Ese gata fua aia se takitaki tela e 'tau o 'taki ne ia ana fanau iluga I tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kia te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e taki ne ia taua fanau kite ola ese gatamai. Ite tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te fakasalaga tela kote lolo. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa I ona tiute. E tena te tiute o sose tamana, a ia kote fakasino ala ko ia foki e fakamalosi I sose auala kite mea loa e mafai ne ia kote mea ko sose tino i lalo I tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

#### **Mea Akoga mo fakamaina te mataupu:**

Ata ote vaka o Noa  
Ata o Iesu

#### **Fakatomuaga:**

Fesili ki tamaliki me sea te mealofa a ia ki tena tamana kite aso o tamana.

#### **Akoakoga:**

Ko akoako mai nete muna ate Atua me ia taua tamana ko takitaki iloto I kaiga tela se tiute o koe kite fakamalosiiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote lolo te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

#### **Mea fai a Tamaliki:**

Kilokilo fakalei kite ata otou tamana  
Tusi ki lalo a mea lei mo mea gali ne fai ne ia mo koe

## **MANATU FAKAVAE: FAKALOGO KI TE ATUA.**

### **VAEGA 1: KO TULAFONO E SEFULU**

#### **ULUTALA 1: E TOKOTASI FUA A TE ATUA**

**Pogai:** Ke akoako a tama'liki ke iloa ne latou me e tokotasi fua a te Atua kae seai aka foki i ona tafa.

**Tusi Faitau:** Esoto 20:1-3

#### **Fakatokāga mō Faia'koga:**

I te faka-Epelu a te 'Tulafono' e fakaigoa ki "Muna e Sefulu". A Muna konei e Sefulu ko muna ne faipati tonu loa ne te Atua ki tino Isalaelu (20:21), fakamuli ake, ne fano a Mose ki te mauga o puke mai a ma-fatu kola e tusi ei a Muna konei e Sefulu io me ko Tulafono.

'Ne aumai ne au a koutou mai te fenua ko Aikupito' e fakailoa mai a te agalei o te Atua mo tena alofa ne fakasaoloto kae fakasao ne ia a Isalelu mai te fenua ne ola pologa i ei. Te 'Tulafono e Sefulu' e lavea i ei a uiga o te Atua. I Tusi Tapu a Tulafono ko te Atua e fakatonu mai. A te Tulafono ne aumai mo fakamautakitaki a te feagaiga i te va o te Atua mo Isalaelu (Eso.19:5) kae ko fai i ei mo auala mo fakamaina te fakaolataga a te Atua.

A te Atua ko ia fua tokotasi ko te Atua se fakapatonuga me i te Atua ko te Atua kae e seai e pau mo ia tela e tapuaki kae fakaaloalo ki ei a Isalaelu (20:3). mo auala mo fakamaina te fakaolataga a te Atua. mai te fenuah hoh

#### **Mea a'koga mo fakamāina ei a te mataupu:**

Ko ata o mea ne faite ne te Atua kola e fakaasi ei a te 'mana mo te 'malu o te Atua.

#### **Fakatomuaga:**

E fialia koe o tapuaki ki se Atua Ola? Kooi e fialia koe o tapuaki kiei? Te tala tatou ite aso nei, ka tauloto ne tatou a tulafono kola ne aumai ne Atua ke tautali tatou kiei, tela la te tulafono muamua ko te tapuaki ki te Atua e tokotasi.

**Akoakoga:**

A te tapuaki ki te Atua se tulaga tafasili i te tãua ki a tatou ke fakavae ki ei a 'tou olaga. Tela la, ke 'mautakitaki 'tou tali'tonu mo 'tou fakatuanaki ki te Atua me ko ia fua ko 'tou lafiga i taimi faigata. Kafai ne mafai o fakasao ne te Atua a tino Isalaelu mai Aikupito, e talitonu tatou me e pena foki o mafai ne ia o faka'sao tatou mai sose tulaga o fakalavelave e fa- kafeagai mo tatou.

**Mea e fai a Tamaliki:**

Usu Pese

Fakatoka ne fesili e fakamaina ei te tulaga tokotasi o te Atua.

**Pese:** Bind us together io me fili mai tusi pese

**Fuaiupu Tauloto:** Esoto 20:3 "Sa tapuaki koutou ki se isi atua, na ko au e iloa."

**Talosaga:** Te Atua ola e tokotasi tela e tapuaki kae talitonu matou ki ei. Fakamanuia mai mo matou au fanau i te taeao nei, kae fakatumau i omotou loto a te talitonu mo te fakatuanaki ki a koe e iloa e tokotasi kae seai aka foki. Amene.

**ULUTALA 2: SA TAPUAKI KI TUPUA IO ME KO ATUA FAITE.**

**Pogai:** Ke fesoasoani ki tamaliki ke iloa ne latou me i te Atua e se manako ko tatou ke tapuaki ki ne tupua io me ne Atua faite i 'tou olaga.

**Tusi Faitau:** Esoto 20:4

**Fakatokãga mô Faia'koga:**

Te 'tapuaki' se muna Epelu tela e fakauiga ki te ifo ki lalo i mua o te aliki io mese atua, tela se faifaiga e fakaasi i ei te ava mo te fakaaloalo. A te manatu maluga tela e aumai ne te muna Epelu tenei ko te tautua (serve). A faifaiga konei e fai ne tatou i tou tapuakiga ne fakavae mai i faifaiga kola e fai ne tino i olotou tapuakiga ki olotou atua faite mo tupua. A atua faite e masani o tuku i palesi (faletapu), ako tavini (faifeau) e tautua ne latou i te fa'ka o mea fakamanogi, fai o teuga gali o te atua faite, fa'ka a moli kae teu ke 'ma te fale; a mea kona e fai mo te aava kae fakaoti ki te ifo ki ona mua o fakaaloalo kia ia.

**Fakatomuaga:**

Fesili ki tamaliki taki tokotasi me se a a tena meaalofo ne fai mo tena matua i te Aso Tapu o Matua?

**Akoakoga:**

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malos (f.17); e kaimalie ki tino mativa mo tino fakaalofo (f.20); kae ava ki te Alik (f.30). A te aso fi-afia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

**Mea fai a Tamaliki:**

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

**Fuaiupu Tauloto:**

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Alik e tau o tavaegina."

**Pese:** Fili mai tusi pese

**Talosaga:**

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

**ULUTALA 39: TE ASO O TAMANA**

**Pogai:** Ke akoako a tamaliki me e tasi o tiute ote tamana ko ia tela e t'aki ne ia taua fanau kite ola se gata mai.

**Tusi Faitau:** Kenese 6:1—7:24; 2 Petelu 2:5

**Fakatokaga mo Faia'koga:**

Te Aso o Tamana ne fakatu mo fakamailoga te taua o te tulaga o te

**Talosaga:** Te Atua Tafasili i te Malosi, fakafetai mo olaga o au tav-  
iniloto lasi kola ne kufaki ne latou a vasa mo afa kae ne fakasao ne  
koe ko te mea ke maua ne matou a te Tala Lei o te Fakaolataga i a  
Iesu. Fakamanuia au tavini kola e feagai mo faigataga ona ko te  
folafolaga o tau Tala Lei, amene.

### **ULUTALA 38: TE ASO O MATUA**

**Pogai:** Fakamatala ki tamaliki ke maina lei i te Aso o Matua e  
fakamasaua i ei a tusaga lasi kola e fai ne matua mo latou, mo te kai-  
ga e pela foki mo tulaga kesekese o te olaga.

**Tusi Faitau:** Fataoto 31:10-31

#### **Fakatokaga mo Faiakoga:**

Te Aso Fiafia o Matua e fakamailoga i ei te tulaga mo te tusaga o  
matua i loto i Tuvalu ona ko te taua o tusaga e panaki mo latou ka-  
mata mai i te fale, te kaiga mo fanau, te Ekalesia, te fenua i Fale-  
Kaupule mo fakapotopotoga a fafine mo tulaga kesekese i te malo mo  
te olaga faka Tuvalu. Ne talia ne te Fono Lasi i te 1986 ke fakamailoga  
te Aso Tapu o Matua i te toe Aso Tapu o Iulai. Ne filigina ne fafine a te  
aso tenei e fakamanatu foki ei te Mafutaga a Fafine o te Ekalesia Kelisi  
ano Tuvalu. A fiafiaga o te Aso o Matua e tala loa ki tapuakiga i te Aso  
Tapu tena i te lotu taeao mo te afiafi kola e fakatoka kae takitaki ne  
fafine. E tenei te taimi tela e uke a meaalofa e fakatoka ne tamaliki ma  
olotou matua, e fakatino i ei te fakafetai a latou mo te tausiga alofa a  
te matua ki a latou. A tagata i te aso tenei e kuka kae fakatoka a  
meakai mo fakagaligali te Aso o Matua. A fakafiafiaga e fakasoko ki  
taupese mo koniseti i te po mo fakaala, fatele mo siva i te Aso Gafua.  
Ko fakataua malosia a te tusaga faka-matua i loto i te Fenua, Ekalesia,  
mo te Malo; kae fakasilisili ko tusaga faka-matua tela e panaki mo te  
tausia, akoako, mo te putiputiake o tamaliki. Te tusaga faka-matua tena i  
loto i Tuvalu e se mafai o fakanafagina io me faka-tapulagina. E se  
gata fua i kona a tusaga o matua, kae i loto i te olaga saukatoa e lasi  
te tusaga fesoasoani e fai ne latou.

#### **Mea Akoga mo fakamaina te mataupu:**

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Te olaga tapuaki a Isalaelu ki te Atua e lavea i ei a faifaiga kona e pela  
mo te fa'ka o taulaga meakai ki te Atua mo mea manogi (Levi.21:6). Kae  
e se mafai o katoatoa te tapuakiga ki te Atua i faifaiga fua kona. Muna te  
pelofeta ko Isaia (1:11-17) mo Amosa (5:21-22) me i tou tapuakiga e  
katoatoa fua i tou fakaloga ki ana tulafono, fai galuega alofa ki tino fa-  
kaalofa, fakaasi te amiotonu mo te faimeatonu i uiga mo faiga. A te ofo  
atu o tou taulaga ki te Atua kae se amanaia ne tatou a manakoga o te  
Atua, ke fai te meatonu mo te amiotonu se teke tena ki a ia. A te Atua e  
se manako fua ki tou taulaga meakai (Salamo.50:12-13) kae e taua ke  
fakaalolo ne tatou a ia ki faiga alofa kola e fai ne tatou.

A te Faletapu ko te kogaloto o tapuakiga kola e fai ne Isalaelui ki te  
olotou Atua, tela e nofo i ei kae fetau foki a latou mo te olotou Atua i ei  
(1Tupu.8:27-53). A te faletapuaki tela ne faite i te vao (Tapaneko/  
Faletapu Avesale i Malaga) ne faite ki te ata a te Atua (Eso.25:9).

#### **Mea a'koga mo fakamaina ei a te mataupu:**

- Aumai se tupua mo fesoasoani ki te fakamaina te mataupu  
Ko ata o tino ifo ki tupua mo tino kola e tapuaki ki te Atua

#### **Fakatomuaga:**

E mata koe kooti ne lavea ne koe se tupua? Nea tupua e iloa ne koe? I  
te aso nei, ka lagona ne tatou te lua o tulafono ke se ifo tatou ki tupua.

#### **Akoakoga:**

Tasi o fakaosoosoga ki olaga o tatou tino kelisiano ko te talitonu ki  
tupua, kae e mafai ne tatou o fakagata mafai e tuku katoa 'tou olaga o  
tapuaki ki te Atua. Me i te Atua tela e tali'tonu tatou ki ei se Atua e ola  
kae ko te tupua se mea mate fua tela e seai e iloa sena fesoasoani ki 'tou  
olaga na fua ko te fakamasei ne ia tatou. Tela la, fakamalosi ke se malu-  
ga a te manatu tapuaki ki tupua io me se isi mea aka mai tafa o te Atua  
kae nâ ki te Atua ola fua Tokotasi.

#### **Mea fai a Tamaliki:**

- Faka - Koneseti (tino e ifo ki tupua mo tino kola e tapuaki ki te Atua)  
Fakafasilisili me nea a tupua i 'tou olaga – Sose mea tela e fakamuamua  
ne koe i tou olaga i loo te Atua ka fai mo tupua i tou olaga – mea pela  
mo tupe io me ko koloa faka te lalolagi nei, tafaoga ke oko e iloa ki vail-  
akau.

**Fuaiupu Tauloto:** Esoto 20:5 "Sa ifo foki koutou ki sose tupua io me tapuaki ki ei me ko Au ko te otou Atua, e se mafai o fakasaoloto ne Au koutou ke ifo ki sose mea."

**Pese:** Great and mighty is the Lord our God io me fili mai tusi pese

**Talosaga:** Te Atua tela e ola nei ke oko ki se gata mai, alofa mai ke fakamautakitaki te talitonu iluga ia matou o tapuaki ki a koe kae se ko tupua. Amene.

### **ULUTALA 3: SA FAKAOGA `SE A TE IGOA O TE ATUA.**

**Pogai:** Ke fesoasoani ki tamaliki ke se fakaaoga `se ne latou a te igoa o te Atua.

**Tusi Faitau:** Esoto20:7

#### **Fakatokāga mō Faia'koga:**

E uke a auāla e fakaaoga `se ei ne tatou a te igoa o te Atua tapu kae māsinasina. Te tauto ki te igoa o te Atua se faifaiga e se tonu (Levi.19:12; Mata.5:33-37); te muna masei kae fakaaoga te igoa o te Atua se faifaiga ko oko loa te fai ne tino i aso katoa; te faipati mo te se ava kae fakaaoga te igoa o te Atua.

Te igoa e fakaasi mai i ei a uiga, iloga mo te olaga o `tino. A ko te igoa o te Atua e fakamaina i ei a te tulaga tapu o te Atua e pela foki mo tena malosī mo te fai mea mafai.

#### **Mea a'koga mo fakamāina ei a te mataupu:**

Fai eiloa ne au fakatokāga i mea kola e iloa ne koe e mafai o mala-malama ei a tamaliki i te mataupu. Mafaufau fakalei ki auāla kola e fakaaoga `se saale ei ne tatou i tou olaga a te igoa o te Atua, maise i tau-tooga mo fakamasinooga a tatou e fai.

#### **Fakatomuaga:**

E fiafia koe mafai e fakamasei tou igoa ne se tino? E fiafia koe mafai e faipati se tau se tamaliki ki a koe? Te tolu o tulafono tenei ka tauloto ne tatou i te aso nei, te Atua se manako ko tatou ke fakaaoga tena igoa va-levale io me fai muna se lei ki te Atua.

Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

#### **Mea Akoga mo fakamaina te mataupu:**

Ata o Iesu

Ata o faifeau Samoa kola ne galue i Tuvalu

#### **Fakatomuaga:**

Fesili ki tamaliki me kaia e se fiafia ei a latou ki lotu mo te akoga i Aso Tapu?

#### **Akoakoga:**

Te Tala Lei a Iesu ne fuli ne ia a olaga o tino i Tuvalu ke lei. I aso taumua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

#### **Mea fai a tamaliki:**

Lomi te ata o te vaka o Elekana kae e peipei ne galu i te matagi malosī

Lomi te ata o Elekana mo tena Tusi Tapu i tona lima kae akoako a tino i Nukulaelae

#### **Fuaiupu Tauloto:**

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

**Pese:** Fili mai tusi pese



tatou i aso nei, e lavea ne tatou a tino e fai meaalofo saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofo tena a te Atua te Tamana mô tatou tino katoa, ne tuku mai tena ola ke mate a ia mô 'tou agasala ke fakamagalogina. Seâ la nei a 'tou tali ka tali atu ki te alofa o Iesu mo tena Tamana? Tamaliki, ke tuku atu foki a 'tou ola mo 'tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

**Mea fai a tamaliki:**

· 'Kala a te ata #57

Faifesili ki fesili e autu tonu loa mo te 'tala a tatou i te taeao nei.

**Pese:** Tuku tau Meaalofo mo te Alik...io me fili mai tusi pese

**Fuaiupu Tauloto:** Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

**Talosaga:**

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fialia matou o 'sala faeloa ki a koe i omotou olaga, kae maise, ke fialia foki matou o ôla mô koe. Amene.

**ULUTALA 37: TE ASO OTE TALA 'LEI**

**Pogai:** Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

**Tusi Faitau:** Luka 2:8-20.

**Fakatokaga mo Faiakoga:**

Te Aso Fialia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

**Akoakoga:**

A te igoa o sose tino ne tuku mai ke fakaaloalo tatou ki ei, e pena foki te Atua e 'tau o fakaaloalo ne tatou tena igoa ki mea lei, auâ ko ia ko 'tou Atua tela e tapu kae 'malu. Sa fakaaoga 'se ne tatou a te igoa o te Atua ki mea kola e se fialia a te Atua ki ei.

**Mea fai a Tamaliki:**

Usu pese

Akoako

**FuaiupuTauloto:** Esoto 20:7 Sa fakaaoga ne koutou toku igoa ki mea masei, me i a au, te Aliko te otou Atua, ka fakasala ne au so se tino e fakaaoga 'se ne ia toku igoa.

**Pese:** Jesus name above all names io me fili mai tusi pese

**Talosaga:** Te Atua 'malu, fakaasi mai auala e 'tau ei o fakaaoga ne matou a 'tou igoa i aso katoa e ola ei matou ko te mea vikia ei koe, amene.

**ULIUTALA 4: KO TE SAPATI**

**Tusi Faitau:** Esoto20:8-11

**Pogai:** Ke akoako a tamaliki ke iloa ne latou me i te fakaaoga fakalei o te Sapati ko te fakalogo latou ki te Atua

**Fakatokāga mô Faia'koga:**

Te Sapati ko aso ne manava ei a te Atua mai i ana galuega katoa. Ne fakatapu kae fakamanuia ne ia mo fai te aso taua (Eso.2:2-3). Fakamuli ifo ne ne fakatonu ne te atua a tino Isalaelu ke tausi te aso tenei mo fai te aso tapu tela e seai se galuega e fai i ei (Eso.20:8-11). A tino Isalaelu ne tapuaki ki te Atua i te aso Sapati tela ko te fitu o aso i te faitauga o aso o te vaiaso.

A Soko o Iesu i te taimi ko oti ne foki a Iesu ki te lagi, ne kamata o fai a olotou tapuakiga i te Aso o te Aliko (te Aso Sa) mo fai a olotou Kaiga ki te Aliko (Gal.20:7), mo fai a meaalofo (1Koli.16:2). Ne lavea foki ne Ioane i te Aso o te Aliko a fakaasiga mai i te Atua (Faka.1:10).

Te tausi o fakatonuga a te Atua se tiute o tino Isalaelu kae e fakaasi i ei a te fakamaoni, fakalogo mo te matakū ki te Atua.

**Mea a'koga mo fakamāina ei a te mataupu:**

\* Fakasino aso kola e 'tau o galue i ei mo te aso tela e 'tau ki te Sapati  
Te faiakoga ke tusi ki lalo a feitu kola e tau o fai i te Sapati mo feitu kola e se tau o fai i te Sapati,

**Fakatomuaga:**

Nea au mea e fai i te Sapati? Ko te aso fia i te vaiaso ko te Sapati? Seo te aso nei? Te tausi o te Sapati ko tulafono e 4 tenei ka tauloto ne tatou.

**Akoakoga:**

A te Sapati ko te aso ko oti ne fakafeagaiga ne te Atua ke ma'navā io me malolo i ei a ia mai ana galuega katoa. Tamaliki, a te Sapati io me ko te Asotapu ko te aso tela ko 'tau ei tatou o malolo mai 'tou galuega, ta-faoga kae faka'malu ne tatou e pela e iloa mo te poloakiga a te Atua. Seki fai mai a te Sapati ne te Atua mo ta'fao, pikiniki io me ke fai ei a nisi mea kola e fiafia ki ei tatou kae ne tuku mai mo tapuaki atu ei tatou.

**Mea fai a Tamaliki:**

Tali a fesili kola e fakatoka ne te faiakoga

**Fuaiupu Tauloto:** Esoto 20:9-10 E ono aso e fai ei otou galuega, ka ko te fitu o aso se aso malolo, se aso e tapu. I te aso tena, e seai e iloa se tino i a koutou e tau o fai sena galuega, e pena foki otou tamaliki,

**Pese:** Tenei te aso ne fai ne te Atua (This is the day that the Lord has made)

**Talosaga:**

Te Alikī, fesoasoani mai ke fakaaoga fakalei ne matou a tou Asotapu mo fai ou vikiga mo ou tavaega kae ke mo'a e fakaaoga ne matou mo fai omotou manakoga. Amene.

**ULUTALA 5: AVA KI OTOU TAMANA MO TOU MATUA**

**Pogai:** Ke akoako ki tamaliki ke iloa ne latou me i te ava ki tamana mo matua ko te kamataga tena o te olaga fakalogo ki te Atua.

**Tusi Faitau:** Esoto 20:12

foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni 'Magi' e fakauiga ki tino fakatau- laitu; kae i a Mataio (2:1) e fai mene aumai mai te Sopoga-la kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakatea me e 'se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofa (2:11) ne tuku ki a Iesu, ko tuku taumate ei me tokotolu a tino Po-to mai te Sopoga-la, ka ko latou kona ne tupu e pela mo te moli-mau a Isaia (60:3).

**Lesona:**

I te vaitaimi tenei, ko taimi o te tupu ko Helota. Ne logo te tupu ite Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu.A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifiliginā sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

**Mea a'koga mo fakamāina ei a te mataupu:**

· Ata #57

Niisi ata mafai e isi

**Fakatomuaga:**

Kaiā e ave saale ei a meaalofa a tino ki pepe io me ko taimi o asofanau?

**Akoakoga:**

A tagata poto konei mai i te sopoga'la ne faimalaga mai o 'sala, o faimeaalofa kae o tapuaki ki te Alikī, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Alikī. E 'pau e iloa mo

**Fuaiupu Tauloto:** Mataio 5:5 "Amutia a latou kola e loto malalo me fai ma latou a folafolaga a te Atua."

### **Talosaga:**

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finagalo, Amene.

### **ULUTALA 36: KO MEAALOFA A TINO POTO MAI I TE SOPOGALA.**

**Pogai:** Ke fakamaina ki tamaliki, me i te fai meaalofo ki te pepe ko Iesu, se faifaiga e fakamalosi ne ia a te fai mealofa o tatou ki te Atua.

**Tusi Faitau:** Mataio 2:1-12

### **Fakatokāga mô Faia'koga:**

Peteleema (te Fale o Falaoa) se fakai foliki tela e lima maila ki te feitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fanau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko 'te tupu o tino Iutaia' i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalema tela ne kamata I te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C-A.D.39) tela ne feagai mo Ioane te Papaptiso mo Iesu (Mata.14:1-12; Male.6: 14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafai ki a Helotia tela e fakatamana ki a ia, kae avaga mo tena taina ko Hel-ota tela e matua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papatiso ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota

### **Fakatokāga mô Faia'koga:**

A te ava se faifaiga mo uiga kola e fakaasi i ei te fakaaloalo mo te loto-malalo. Se uiga e taua i te olaga faka-Tuvalu; kae e lavea i te olaga o tino ava a uiga lei kae gali. E tenei te tulafono muamua e isi sona tau. "*Ke ava koutou ki te otou tamana mo otou matua, ko te mea ke ola leva koutou i te fenua tela ne tuku atu ne au kia koutou*" (Teu.5.16)

A te tino e se ava ki ona tamana mo tena matua e lavea ne ia ki ona mate. "*A te fakamalaiaga a te Atua ke paku ki so se tino e fakamasiasi ne ia tena tamana mo tena matua*" (Teu.27.16); "*Kafai e muna masei koe ki ou matua, ko koe ka mate atu e pela me se moli tela e mate i te pouliga*" (Fataoto 20.20).

A Iesu ne fakalogo ki tena tamana mo tena matua faka te foitino (Luka 2.51); kae ne fai foki ana muna, "*A te tino e fai ne ia te loto o toku tamana ko toku taina, toku tuagane, mo toku matua*" (Mat.12.50). *A te Apositolo ko Paulo ne akoako ne ia me i te ava o te tamaliki ki te tamana mo te matua se tiute faka-kelisiano tena e 'tau o fakaasi ne te fanau.* (Efeso 6.1-3)

### **Mea a'koga mo fakamāina ei a te mataupu:**

Fakamaina a te uiga tenei ki te ava  
Fakaasi ki tamaliki i uiga fai me sea te ava.

### **Fakatomuaga:**

Mata koulua e tamaliki e āva faeloa ki outou matua? Sea a te finagalo mo tatou tamaliki i te taeao nei?

### **Akoakoga:**

Tasi o tulafono ne tuku ne te Atua ki a Mose mô te fanauga a Isalaelu ko te tulafono tenei me i tamaliki e 'tau o āva ki olotou matua. A te āva se uiga fakaasi o te fakalogo, te fakaaloalo mo te ususitai. E tenei a te loto o te Atua mô tatou tamaliki, me e se mafai ne tatou o fai mai me ia tatou e faka'logo ki te Atua te 'tou tamana faka te lagi tela e se lavea ki 'tou mata, kae tela la e se āva tatou ki 'tou matua tonu kola e 'nofo fua i 'tou tafa. Tamaliki, a te āva mo te fakalogo ki 'tou matua ko 'tou tiute tena mai i te Atua, (Efeso 6:1).

### **Mea Fai a Tamaliki:**

Usu Pese  
akoako fuaiupu tauloto

**Fuaiupu Tauloto:** Efeso 6:1 "A koutou e tamaliki, se tiute fakakelisiano o koutou o faka'logo ki otou matua, me e tena eiloa te mea e 'tau o fai ne koutou."

**Pese:** Jesus loves us altogether io me fili mai tusi pese

**Talosaga:** Te motou tamana faka te lagi fakafetai mo au tulafono ka fai mo moli mo mainaga e fakamaina ki ei a omotou auala ka sasale matou i ei. Ke mafai ne matou o ava kae faka'logo ki omotou matua pena foki ki a koe, ona ko Iesu Amene.

## ULUTALA 6: SA TATINO

**Pogai:** Ke akoako a tamaliki ke iloa ne latou me i te Atua e se manako ki te olaga fai taua mo te tatino.

**Tusi Faitau:** Esoto 20:13

### **Fakatokāga mô Faia'koga:**

A te tulafono, 'sa tatino' e fakataua ne ia te tausiga a ola o tino i loto i te sosaiete o Isalaelu. A ko te tulafono tenei e se faka'se ne ia te mea tupu fakafuase (Teu.4:42). E se fakauiga te tulafono tenei ki te tamate o se tino i te ikuga a te fono tulafono; io me ko te tino e noa ua; io me ko te tatino i taimi o taua.

A Iesu ne akoako ne ia a tino i tena lauga me i te tino e ita io me kaitaua ki tona taina, a ia ko taia i te tulafono ki te tatino (Mata.5:22). A Kaino ne tamate ne ia tena taina ko Apelu ona ko tena kaitaua ki tona taina kae ne se fakalogo foki ki te Atua ke fakatakavale ne ia te masei (Kene.4.6-7).

### **Mea a'koga mo fakamāina ei a te mataupu:**

Fakamatala te tala ia Kaino mo Apelu

Fakamaina te Tulafono e ono e uiga ki te tatino

Nea a pati o te lauga faka amutia a Iesu e fakaseai ei a te tatino?

### **Fakatomuaga:**

Kaia e 'ta ei ne tino a nisi tino? Kaia e isi ei ne taua i fenua lasi? Kaia e taua io me e fusu saale ei koutou tamaliki?

alofa mo tino katoa.

### **Lesona:**

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki eiloa ne fanau iei a Malia. Ko te fakataunuga ote valoaga nefai ne te pelofeta ko Mika 5:2 Muna ate Aliko "Peteleema Efalata, a koe se fakai e tasi mai fakai foliki eiloa o mua eiloa." I te okomaiga ki Peteleema, ko fonu te fale talimalo, kae ko seai se koga

### **Mea a'koga mo fakamāina ei a te mataupu:**

Ata #54

**Fakatomuaga:** Kai isi aka loa se tamaliki i Tuvalu nei ne fanau i loto i se pamoā, pa-taki io me se saipuaka?

### **Akoakoga:**

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koutou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tausii ei a manu pela mo pulumakau mo kouti mo mamoe, ona me ko seai se avanoaga mo latou i loto i fa le talimalo. Tamaliki, a te fanau mai o Iesu i loto i te fale manu se fa-kaasiga o te auala o te loto maulalo kae se ko te fiamaluga mo te fi-asili. Tela la, ke fakaakoako tatou ki te Aliko ke ola tatou i se olaga loto maulalo mo te alofa.

### **Mea fai a Tamaliki:**

'Kala a te ata #54.

Fai a fesili mo atili fakamāina ei a te tala o te taeo nei.

**Pese:** "Ko fanau mai te pepe...."

kaasiga pela mo fakaasiga konei ne `tupu i te taimi ne fanau mai ei a Iesu. A tausi mamoe kaati ne `poi katoa kae matakou me sea la a te maina-ga lasi tenei ko maina mai luga o latou. Ne `poi foki me ko sae mai a te agelu o folafola mai a te Tala `Lei ki a latou

**Mea fai a tamaliki:**

Kala a te Ata #54

Fai a fesili mo atili fakamaina ei a te tala o te taeao nei

**Pese:** “Ko fanau mai a te pepe”

**Fuaiupu Tauloto:** Mataio 5:5 “Amutia a latou kola e loto malalo me fai ma latou a folafolaga a te Atua”

**Talosaga:**

Te Atua te motou Tamana alofa, fafetai mo te fakaasi mai ne koe se ata fakaakoako kia matou, ko te mea ke ola matou I te loto maulalo. Fesoasoani mai ke mafia ne matou o ola iloto I tou finagalo, Amene.

**ULUTALA 35: KO TE FANAU MAI O IESU**

**Pogai:** Ke akoako a tamaliki ke māina i te `tala o te fanau mai o Iesu.

**Tusi Faitau:** Luka 2:1-7

**Fakatokāga mô Faia’koga:**

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fuafuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tav ita (Mata.1:20) kae se tagata e matakou ki te Atua(Mata.1:19. A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). “ ... fakamoe i te tali fa-gai manu, me ko seai se koga mo latou i te faltalimalo” te ata o te tavini loto malalo kae `e se kai filifili’ me seai i a ia te loto fia sili kae ko te loto

**Akoakoga:**

Tamaliki, koulua e fiafia ki te fai taua saale? E tasi o tulafono a te Atua ne tuku mai ke tapu te `ta tino. E tonu, seai loa se tino ia tatou e fia tatino, kae ko te akoakoga ne faopoopo mai ne Iesu, ana muna; kafai se tino e ita ki tona taina, a ia se tino tatino,(1 Ioane 3:15). Tela la, a `tau eiloa mo tatou o fakataua’lofa kae se faitaua saale me i te tino faitaua e se fiafia kiei a te Atua.

**Mea fai a Tamaliki:**

Fakatu se tala/ koneseti i te Lauga faka amutia a Iesu i luga i te Mauga. Ke fakalau mai ne tamaliki a mea kola e faka’tupu ei a taua i vasia o latou tamaliki kae maise i te olaga tenei.

**Fuaiupu Tauloto:** Mataio 5:9 Amutia a latou kola e fakatupu te filemu; me e taku latou ko tama a te Atua.

**Pese:** Thy loving kindness

**Talosaga:** Fakafetai te Atua mo tau tulafono tela e akoako mai ki a matou ke fakatupu te filemu kae ke se faitaua kae tatino matou i omotou olaga. Ko `talo atu matou ke fesoasoani mai koe ki a matou ko te mea ke mafai ne matou o a’lofa atu ki nisi tino e pela mo koe e alofa mai mô matou. Amene.

**ULUTALA 7: SA MULILUA**

**Pogai:** Ke fesoasoani ki tamaliki ke fiafia o tupuake i se olaga `ma kae fiafia o fakalogo ki Tulafono a te Atua.

**Tusi Faitau:** Esoto 20:14

**Fakatokāga mô Faia’koga:**

A te tulafono e fitu e fakamalosi ne ia te tulaga tapu kae ma o te olaga avaga; me i loto fua o te olaga avaga e fai ei a fiafiaga o te olaga faka tauavaga. Te tulafono tenei e puipui ne ia a te tino ke moa e pokotia i manakoga o te foitino; ke tausi ne ia te tauavaga ke ola fiafia i te olaga faka tauavaga. E lasi te faipati o te Muna a te Atua ki pokotia o te olaga ne fakamafua ne te masaki masei ko te mulilua: “A te tagata e `tala tena avaga, kae avaga ki te sua fafine, ko mulilua a ia ki tena avaga, e pena

*foki a te fafine manafai e tala tena avaga kae toe avaga ki te sua tagata, ko mulilua a ia ki tena avaga.”*(Maleko.10:11&12).

I te akoakoga a te Aliko i luga i te mauga, ne fakaasi ne ia te sua-feitu o te mulilua: *“Kooti foki ne lagona ne koutou me ne fai mai penei, sa mulilua, kae fai atu au kia koutou: so se tino e onoono atu ki te fafine kae manako ki ei tena loto, ko mulilua a ia i tene loto.”*( Mat.5.27&28)

A te apositolo ko Paulo ko akoako ne ia ki tino talitonu i Loma me i te tino e alofa ki tena tuakoi e fakalogo foki ki Tulafono. Muna a Paulo konei a muna o tulafono *“Sa Mulilua, sa tatino, sa kaisoa, sa kaimanako.....”* ( Loma 13.8&9)

### **Mea a’koga mo fakamāina ei a te te mataupu:**

Fakamatala Tala mai i te Feagaiga Mua mo te Feagaiga Fou i te fakatokaga mo fakamaina ate Mataupu.

### **Fakatomuaga:**

Kafai se fafine avaga io me se tagata avaga ko tiaki ne ia a tena avaga mo ana tamaliki kae ko avaga loa mo te sua tino, mata a te uiga tenei se mea `lei me ikai? Kaia la e masei ei? *(Faiakoga, fakalogologo faka`lei ki tali a tamaliki me e fesoasoani ki te faiga o tau akoakoga ki mea e iloa ne tamaliki).*

### **Akoakoga:**

Mai te Lesona tela kooti ne fakalogologo tatou ki ei ko fakamasaua mai kia tatou tamaliki me i te olaga faka tamaliki se olaga tela e `tau o ola ise olaga `ma. A te loto mo te finagalo a te Atua ko ona tino filfilia ke maua ne latou ana Tulafono, kae ke fakalogo foki ki ei. Ke iloa ne taua tamaliki me ite Atua e manako ko tatou ke fakalogo ki ana akoakoga. Ke moa e faka akoako tatou pela mo fafine tali tagata. kae ke `ma tou olaga tupuake ko te mea ke fiafia mai te Atua kia tatou.

### **Mea fai a Tamaliki:**

Usu Pese

Tali a fesili kola e fakatoka ne te faiakoga

**Fuaiupu Tauloto:** Maleko 10:11 A te tagata e `tala a tena avaga kae avaga ki te sua fafine, ko mulilua a ia ki tena avaga.

**Pese:** Fili mai tusi pese

fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua feitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea fakafanoanoa ki te tausi mamoe.

A te uiga o te muna `Agelu` i te gana Eleni se `faifekau`. Te agelu ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Salla.91:11-12), e fakaaoga foki i nisi taimi ke fakaoko ne latou te faka masinoga a te Atua (Mata.13:49-50).

### **Lesona:**

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu ko te Fakaola, ko ia foki ko te Keliso, te Atua Fauu kae fakata-pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia I loto ite tali fagai manu.

### **Mea a’koga mo fakamāina ei a te mataupu:**

Ata 55

### **Fakatomuaga:**

Kafai a te po ko pouli aka loa kae `nofo tatou i te vao, kae sae fakavave mai se mainaga pula kae lasi, mata tatou e poi kae ma`taku?

### **Akoakoga:**

A fakaasiga katoa konei ne `tupu, ne mea katoa e molimau mai ne latou a te `kese mo te `malu o te tamaliki tenei ka fanau mai. Ko `kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fa-

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i 'tou olaga ke fai ne tatou ne tusaga tāua mô ia i te lalolagi nei, kae manakogina la iei ko tatou ke faka'logo ki ai

**Mea fai a Tamaliki:**

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei. Fakafesili ki tamaliki taki tokotasi me mata la nei seâ a te finagalo o te Atua mô latou?

**Pese:** When the Saviour calls

**Fuaiupu Tauloto:** Mataio 1:20 ...."Iosefa te mokopuna o Tavita, sa matakou o fai Malia mo fai tau av-aga, i te mea ko faitama i te Aga-ga Tapu".

**Talosaga:**

Fakafetai lasi te Atua alofa mo 'tou alofa tumau mo matou, kae maise ko te tuku mai ne koe o tau tama fagasele ke mate mo omotou agasala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

**ULUTALA 34: KO TE FOLAFOLĀGA KI TAUSI MAMOE**

**Pogai:** Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fakaola o te lalolagi.

**Tusi Faitau:** Luka 2:8-20

**Fakatokaga mô Faia'koga:**

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e

**Talosaga:** Fakafetai te motou Atua me maua ne matou au tulafono e fakatakitaki ki ei omotou auala kae koi ola matou i te olaga faka tamaliki. I te igoa o Iesu e 'talo atu ei matou nei. Amene

**ULUTALA 8: SA KAISOA**

**Pogai:** Ke fesoasoani ki tamaliki ke mafai o sasale i auala 'tonu o te tulafono, kae ke se ôla i se olaga agasala.

**Tusi Faitau:** Esoto 20:15

**Fakatokāga mô Faia'koga:**

A te tulafono e fitu e fakamalosi ne ia te tulaga tapu kae ma o te olaga avaga; me i loto fua o te olaga avaga e fai ei a fiafiaga o te olaga faka tauavaga. Te tulafono tenei e puipui ne ia a te tino ke moa e pokotia i manakoga o te foitino; ke tausi ne ia te tauavaga ke ola fiafia i te olaga faka tauavaga.

E lasi te faipati o te Muna a te Atua ki pokotia o te olaga ne fakamafua ne te masaki masei ko te mulilua: "*A tavaga, kae avaga ki te sua fafine, ko mulilua a ia ki tena avagae tagata e 'tala tena , e pena foki a te fafine manafai e tala tena avaga kae toe avaga ki te sua tagata, ko mulilua a ia ki tena avaga.*" (Maleko.10:11&12).

I te akoakoga a te Alike i luga i te mauga, ne fakaasi ne ia te sua-feitu o te mulilua: "*Kooti foki ne lagona ne koutou me ne fai mai penei, sa mulilua, kae fai atu au kia koutou: so se tino e onoono atu ki te fafine kae manako ki ei tena loto, ko mulilua a ia i tene loto.*" ( Mat.5.27&28)

A te apositolo ko Paulo ko akoako ne ia ki tino talitonu i Loma me i te tino e alofa ki tena tuakoi e fakalogo foki ki Tulafono. Muna a Paulo konei a muna o tulafono "*Sa Mulilua, sa tatino, sa kaisoa, sa kaimanako.....*" ( Loma 13.8&9)

**Mea a'koga mo fakamāina ei a te mataupu:**

Fakamatala se tala fakatusa mo fakamaina ei tau lesona  
Fakamatala a te tala i te Levitiko 19:1-11 mafai e fia fakaaoga ne koe.

**Fakatomuaga:**

Sea a te kaisoa? Mata a te kaisoa se uiga 'lei me se uiga masei?

**Akoakoga:**

Tamaliki, a te kaisoa se uiga masei tela e se fiafia ki ei a te Atua kae seai foki loa se tino e fiafia ki ei. A te kaisoa ko te puke ne koe sose mea tela 'se ia koe kae se fanoi. E mafua mai a te uiga tenei i te manako lasi ki mea se ia koe io me ko te fia maumea. A te Atua e se fiafia ki te uiga tenei tela la, e 'tau mo tatou o faka'mao mai i te uiga tenei, fanoi i taimi katoa e ma'nako tatou ki se mea a te sua tino kae lotomalie faeloa i mea ko oti ne tuku mai ne te Atua ma tatou kae ke mo'a tatou e matamea io me ma'nako lasi.

**Mea fai a Tamaliki:**

Usu Pese

Akoako fuaiupu tauloto

**Fuaiupu Tauloto:** Esoto 20:15 "Sa kaisoa"

**Pese:** Be careful little hands what you do io me filii mai tusi pese

**Talosaga:** Te Atua tela e lavea ne koe a motou mea katoa e fai i lalo nei, faka'mao mai matou mai i uiga se 'lei kae maise i te kaisoa. Musu-musu mai tou Agaga Tapu ke iloa ne matou o äva kae matakū ki a koe, ona ko Iesu. Amene.

**ULUTALA 9: SA PATILOI**

**Pogai:** Ke akoako a Tamaliki ke iloa ne latou o faipati ki te mea tonu itaimi katoa.

**Tusi Faitau:** Esoto 20:16

**Fakatokāga mō Faia'koga:**

A te Tulafono e iva: "Sa molimau fakaloiloi ne koutou nisi tino" e fakavae ki ei a fakanofoga e lavea i ei te malu o te Fono-Tulafono." E fakaasi i tulafono me ka fai e faipati koe i te Fono-Tulafono, me tali ne koe se fesili io me fai sau molimau, ke faipati ne koe a te munatonu.

Ko nisi molimau e fakataua i ei te fai o te molimau tonu: "A te molimau e fakasao ne ia a ola manafai e faipati ki te meatonu; kae kafai e faipati ki te loi, ko tena uiga ka tuku atu ne ia a tino ke fakasala." (Faata.14.25) "A

fakasalaga e mafai o oko ki se tamafine tela e fai feagaiga ke malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga "tamafine" o Malia. A Malia ne talia ne ia te fekau a te Atua i tona talitonu i a ia se tavini a te Aliko (Luka.1:38). Ne fakafetaui ne Elisapeta a tena kaiga ko Malia ki muna faka-amutia penei: "Amutia koe i fafine katoa" (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te fanau mai o te Mesia kae ne 'tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

**Lesona:**

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kafoofogina te tulaga tenei, kae ne faigata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu e iloa tenei, ne oko mai iei te fakasiga ate Aliko kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne ma taku, kae ne fakamalosigina ne te agelu, kese matakū, me ko oti ne filifiligina aia mai i loto ite tokou-kega o fafine.

**Fakatomuaga:**

Tamaliki, koutou e isi katoa ne outou tamana. Ia kae nei, koutou ka fakalogologo ki te tala o te tamana o Iesu tela ko Iosefa.

**Akoakoga:**

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fakaola ne ia a tino katoa mai i olotou agasala. E lua a akoakoga tãua e maua ne tatou i te tala o te taeao nei:



ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e `gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka`lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mô ia manafai e ola tatou o fai tena finagalo i `tou olaga.

### **Mea fai a Tamaliki:**

· `Kala fakagaligali a te ata #51

### **Pese:**

Ne nonofo i te vao leoleo mamoe

### **Fuaiupu Tauloto:**

Luka 1:31 "Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu."

### **Talosaga:**

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou kia koe Iesu te fakaola o matou, kae ke ola matou o fai te mea tela e loto koe ki ei, Amene.

## **ULUTALA 33: KO TE FOLAFOLĀGA KI A IOSEFA**

**Pogai:** Ke akaoko a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

**Tusi Faitau:** Mataio 1:18–25

### **Fakatokāga mô Faia`koga:**

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se

te loi e toetoe tena ola, ka kote muna tonu e ola ki te segata mai." (Faata.12.19)

### **Mea a`koga mo fakamāina ei a te mataupu:**

E mafai ne koe o fakamatala se tala e lavea ei a te tulaga masei o te uiga tenei io me ko te tala o Anania mo Safaila i te Galuega e 5.

### **Fakatomuaga:**

Kai isi aka loa se tamaliki ia koutou na kai `loi aka loa ki ana matua io me ko tena faiakoga? Kaia e `loi saale ei tamaliki? (*Fakalogologo faka`lei atu ki tali a tamaliki me i nisi tali ko mea foki e iloa a latou e fai saale*)

### **Akoakoga:**

A te patiloi, te `pelo io me ko te molimau fakaloilo e fakauiga katoa ki te mataupu a tatou i te taeao nei. A te Atua ne fakatonu mai i tena Muna ke se fai ne tatou a uiga konei me ia ia e se fiafia ki ei, e seai foki se tino e fiafia ki tino e uiga penei. Tamaliki, a tatou e masani katoa o `loi saale mafai ne fai ne tatou se mea `se kae ko ma`taku tatou i `tou matua io me ko `tou faiakoga. E fai tala `loi saale tatou ke ōfo `tou taugasoa ia tatou ona ko te fia sili mo te fia maluga. Nei ko toe fakamasaua mai ne `tou tala me i te Atua e se fiafia ki tino `loi, tela la ke se fakamasani tatou ki uiga penei kae ke matakū tatou ki te Atua.

### **Mea fai a Tamaliki:**

Usu Pese.

Akoako fuaiupu tauloto

**Fuaiupu Tauloto:** Kolose 3:9 Ke se loi te sua tino ki te sua tino, i te mea ko oti ne tuku keatea ne koutou a te natula mua mo ana faiga.

**Pese:** Be careful little mouth what you say io me fili mai tusi pese

**Talosaga:** Te motou tamana alofa, fakafetai me e ui i te uke o motou uiga se tonu e fai saale i omotou olaga, kae e se tau mai ne koe ki te masei aua tou alofa mo matou e auala ia Iesu tau tama fagasele. Fakamalosī mai omotou loto ke iloa ne matou o āva kae matakū ki a koe ko te mea ke faka`mao matou mai uiga se `lei penei mo te patiloi, kae ke alofa matou ki a koe. Amene.

## ULUTALA 10: SA KAIMANAKO

**Pogai:** Ke fesoasoani ki tamaliki ke se öla i se olaga kaimanako kae ko te olaga kaimalie.

**Tusi Faitau:** Esoto 20:17

### **Fakatokāga mô Faia'koga:**

A te Tulafono e sefulu: 'Sa ma'nako koutou ki fale o nisi tino, sa manako foki koutou ki avaga a nisi tino, me ko olotou tavini, me ko olotou manu, me ko so se mea ake foki eiloa a tino kona."

"Sa manako" se fakamuna e fakauiga ki mea kola i loto i te mafaufau tela e mafai o fakaiuku ki te fai ne te tino. A te tulafono e manako ke se talia ne koe a mafaufauga kona ke fakaosooso ne ia a koe.

Te sua fuliga o te tulafono tenei e penei: "Sa tuku a tou loto ki te fale o nisi tino, sa tuku foki a tou loto ki avaga a nisi tino, me ko olotou tavini, me ko olotou manu, me ko so se mea ake foki eiloa a tino kona." E pena te kano loto o te tulafono tenei.

A latou e kaimanako kae fai a fuafuaga masei ki mea a nisi tino ka maua ne latou a fakamalaiaga a te Atua (Mika 2:2-3). A te tupu ko Aapo mo tena avaga ko Iesepela ne fai togafiti ne laua ki te Faatoaga a Napota ke 'fao ma laua, kae ne fakasala laua ne te Atua ki te mate (1Tupu 21.17-19). I te tala fakatusa a te Alike ko fakatusa ne Iesu a fuaga saito ne 'to i va o lakau makai'kai ko latou kona ne fakalogo ki te muna, ka ko te manava'se ki mea o te olaga nei mo te fia'fia ki koloa mo te kaimana'ko ki nisi mea...(Mk4:18-19).

### **Mea a'koga mo fakamāina ei a te mataupu:**

Fakatoka ne ata e tau tonu mo te mataupu tenei

Fakatoka se tala faopoopo e mafai ei o atili fakamalamalama ei a te uiga tenei ko te kaimanako.

### **Fakatomuaga:**

Sea a te kaimanako? Mata se mea 'lei a te kaimanako me ikai?

### **Akoakoga:**

A te kaimanako e 'pau mo te manako lasi. Ko te manako maloski ki se mea tela ka taumafai eiloa koe ke maua ne koe kae mafai foki koe o iku ki te kaisoa io me ko te maua ne koe a te mea tena i auala se tonu. A te Atua e se fiafia ki te uiga tenei me e fakaasi mai ei me i te tino ko se fa-

### **Fakatokāga mô Faia'koga:**

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Alike i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

### **Lesona:**

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki te fakaasiga mai ite agelu ko Kapilielu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai i te gafa o Tavita. Aia se kapenita kae ne fakatonugina aia ne te Alike i tena miti, ke fai ne ia a Malia mo fai tena avaga.

Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

### **Mea a'koga mo fakamāina ei a te mataupu:**

· Ata #51

Vitio kaseti (mafai e isi e toka)

### **Fakatomuaga:**

Mata e isi se tino ne vau ki te lalolagi nei i se auala fakaatea me ko tatou ne fanau katoa mai ne 'tou matua? Te mea e 'kese iei a Iesu, me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

### **Akoakoga:**

Tamaliki, a te fanau mai o Iesu, e 'pau eiloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai ne ia a te Fakaola. Ne filifiligina a Malia ne te Atua kae ne fakaoko mai a tena fekau e auala i te agelu. Te mea taua ke iloa

mai iei, me ia ia ne toetu mai loa mai te tugamau.

### **Mea akoga mo fakamaina ei a te mataupu**

Te ata o te toetu o Iesu

#### **Fakatomuaga:**

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate.

#### **Akoakoga:**

Tamaliki ko te mea ke talitonu `patonu tatou me ia Iesu Keliso ne toetu ake e iloa mai te mate ke mafai o fakaola koe mo au mo tino katoa. E manakogina e tamaliki ko Iesu Keliso ke ola iloto I taa olaga e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

#### **Mea fai a tamaliki:**

Lomi te ata o Iesu I tena toetu mai te mate

**Fuaiupu Tauloto:** Maleko 16: 6 "Ne fai mai a te tino tena kia latou, ana muna, sa `matakū. A koutou e `sala kia Iesu te Nasaleta tela ne fakasataulo. E se I konei, ko oti ne toetu..."

**Pese:** OH! HOW I LOVE JESUS...

**Talosaga:** Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sasaele mo koe.

### **VAEGA 4 – KO TENA FANAU MAI**

#### **ULUTALA 32: KO TE FOLAFOLĀGA KI A MALIA**

**Pogai:** Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

**Tusi Faitau:** Luka 1:26–38

kalagolago ki te foaki a te Atua kae ko manako ke uke atu ana mea i loo a te finagalo o te Atua. Tamaliki, tatou e `tau o fakaākoako i `tou olaga ke fakalagolago tatou ki te tuku mai a te Atua mo ana fakamanuiaga i aso takitasi kae ke se kaimanako tatou ki mea e uke auā me e iloa e iloa ne te Atua a mea kola e ma`nako tatou ki ei mo mea kola e `tau mô tatou. A te kaimanako foki ko te manako lasi o koe ki se mea tela ko ala ei o fakataua atu ne koe i loo a te Atua.

#### **Mea fai a Tamaliki:**

Usu pese

Akoako fuaiupu tauloto

**Fuaiupu Tauloto:** Kolose 3:5 Fakagata a uiga faka te lalolagi i loto i a koutou, e penei mo mea konei: te fina lalolagi, ko te amio se ma, ko manakoga masei, ko te kaimanako, me i te kaimanako ko te ifo ki tupua tena.

**Pese:** Sweep over my soul io me fili mai tusi pese

**Talosaga:** Te Atua te motou Tamana alofa, fakafetai lasi mo tau foaki mô matou i aso takitasi kae maise ko au fakamanuiaga e uke. Tuku mai a mea e `tau mô matou kae akoako mai ke mo`a e lasi ia matou a te loto kaimanako ki mea fua o te lalolagi tenei. Amene.

### **VAEGA 2: FOLAFOLA ATU A IESU**

#### **ULUTALA 11: KO TULAFONO FOU**

**Tusi Faitau:** Mataio 5:21-48

**Pogai:** Ke fakamaina ki tamaliki a Tulafono Fou kola ne tuku mai ne Iesu.

#### **Fakatokāga mô Faia`koga:**

A te muna "Tulafono" (Torah) e fakauiga ki Tulafono e sefulu kola e tusi i a Esoto 20:1-17 mo Teutelenome 5:1-21 kae e taku saale foki me ko Tulafono a Mose. E tenei te Tulafono tela e faipatigina ne Iesu i te Mataio 5:21-48 me ko Tulafono Mua ako te Tulafono Fou ko akoakoga a Iesu kola e pogai mai i te fuliga ne ia o Tulafono Mua ki fakanofonofoga

kola ne akoako ne ia, e penei te fakamainaga o te faitau 21-22; “Sa tatino! me ko te tino e tatino e nofosala a ia i te fakamasinoga,” E tena te akoakoga ne lagona ne koutou ne fai mai ne tino taumua io me ko Tulafono e sefulu (Mose); Kae fai atu au (Iesu) penei, (e tenei te Tulafono Fou) “So se tino e ita ki tena taina, e nofo sala a ia i te fakamasinoga.”

### **Mea a’koga mo fakamāina ei a te mataupu:**

Flash Cards: alofa, filemu ....

### **Fakatomuaga:**

Fesili ki tamaliki me kai lavea ne latou te ata o Iesu i te video tela e akoako ona soko mo tino i luga i te mauga?

### **Akoakoga:**

I akoakoga a Iesu i te mataupu o te aso nei e fakamaina i ei me i a Iesu ko te fakavae o te Tulafono Fou, ka ko ia foki ko Tulafono Fou tela e faka katoatoa i ei a Tulafono a Mose (e Sefulu). I te sua feitu, a Iesu ko fakatonu ne ia te se lava mo te se katoatoa o Tulafono Mua. Ko akoako mai ne te mataupu o te aso nei me tau mo tatou o fakatonu a tou olaga ki akoakoga katoa a Iesu tela ko te Tulafono Fou tela e fakasino mai ne ia te ola tonu e tau o ola a tatou i ei.

### **Mea fai a Tamaliki:**

- Vae te vasega ki vaega e lua kae fesili te vaega e tasi kae tali te sua vaega.  
Tamaliki ke faitau ne latou a akoakoaga a Iesu i te mataupu o te aso nei.

**Fuaiupu Tauloto:** Maleko 2:17 “E se aoga te tokita ki tino malosi kae aoga fua ki tino ma’saki. Au e seki vau o kalaga ki tino amiotonu ka ko tino agasala.”

**Pese:** He paid the dept io me fili mai tusi pese

**Talosaga:** Fakafetai lasi Iesu i a koe ko te Tulafono Fou e akoako ki ei a matou. Fakamanuia mai a matou i te taeao tenei kae akoako mai foki ke fakamaoni a matou o tausi au Tulafono Iesu. Amene.

## **ULUTALA 12: KO TE POLOAKIGA FOU**

mo matou, amene.

## **ULUALA 31: KOTE TOETU MANUMALO O IESU KELISO MAI TE MATE**

**Pogai:** Ke fakaasi io me fakamautinoa ki tamaliki me ia Iesu ne toetu mai ake loa mai te mate

**Tusi Faitau:** Maleko 16: 1—8

### **Fakatokaga mo Faiakoga:**

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manumalo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

### **Mea akoga mo fakamaina ei a te mataupu**

Te ata o te toetu o Iesu

### **Fakatomuaga:**

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

**Tusi Faitau:** Maleko 16: 1—8

### **Fakatokaga mo Faiakoga:**

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manumalo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi

**Fakatokaga mo Faiakoga:**

A uiga fakamotu loto, ko muna masei, muna loi mo amioga se tonu katoa ne fai kia Iesu I taimi o te fakamasinoga, te fakasalaga ke oko ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate I te sataulo ko taku a mea konaa ko te "sataulo" ne amo ne Iesu.

A te sataulo se lakau faka lava tela e fakasala I ei a tino tafasili I te masei a olotou uiga mo faiga,. Te sataulo e atagina I ei te mate fakalumaluma I tuu mo aganu faka Iutaia. Ne mafa malosi kia Iesu te sataulo o ia ona ko te vaivai o tona foitino I pago mo kini kola ne ave ne sotia Loma kia ia.

**Fakatomuaga:**

Kooi te tamaliki kooti ne lagona ne ia te tala I te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

**Akoakoga:**

E maina I te tala me ia Iesu ne fakasataulogina I tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki eilola. Kafai e mafaufau tatou ki te mea ne fai ne Iesu, ailoga e isi se tino I te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea 'see o nisi tino. E seai foki se tino e fialia o mate mo te sua tino. Telala, e 'tau mo tatou tamaliki o kufaki kae loto fakamagalo ki nisi tino kote mea ke fialia mai te Atua kia tatou.

**Mea fai a Tamaliki**

Usu pese

**Pese:** Fili mai tusi pese

**Fuaiupu Tauloto:** Efeso 5:2

**Talosaga:** Te Aliko, fesoasoani mai kia matou fanau ko te mea ke lavea ne matou faigataaga ne oko ki te motou Aliko ona ko tena alofa

**Tusi Faitau:** Ioane 13:31-35

**Pogai:** Ke akoako a tamaliki ke iloa ne latou me sea te Poloakiga Fou a Iesu

**Fakatokāga mō Faia'koga:**

Te 'Poloakiga Fou' e pau eilola a tena uiga mo te 'Tulafono Fou'. Te Poloakiga Fou (13:34-35) se fakaasiga e uiga mo mea e manako a Iesu ke olagina ne ona soko: ke se manatu ifo loa a te tino ki a ia eilola; ke loto kaimalie; fakaaoga a tou ola mo nisi; kae ke se fakaaoga fua ne koe mo mea e loto tokotasi koe ki ei e pela mo ou manakoga; tuku a tou ola mo fai a tusaga kola e olo tasi mo te loto o Iesu; ola e pela e pela mo akoakoga a Iesu; fakaasi a uiga mo faiga kola e lavea i tena malo; e tena te akoakoga a Iesu e uiga mo te Tulafono Fou tela ko te 'ke fakatau alofa koutou'.

A te se tautali o tatou i te Tulafono Fou tenei a Iesu, e fakaasi i ei a te tou se fakamaoni kae ko seke foki a tou olaga mo ana akoakoga.

**Mea a'koga mo fakamāina ei a te mataupu:**

Tusi a te poloakiga fou ki te pepa lasi

**Fakatomuaga:**

Fesili ki tamaliki me kooi ia latou e iloa ne ia a te uiga o te muna 'poloakiga?'

**Akoakoga:**

Te olaga fakatau alofa o Kelisiano e fakavae ki te ilola lei ne latou a te alofa o Iesu Keliso mo latou katoa. Te fakatau alofa o Kelisiano e aofia i ei te alofa ki tou taina (1Ioane 2: 7-10; 3: 11; 23). Te olaga fakataina i aso nei ko lasi te kosu ne te malosi o tala, manafa mo te loto masei. Ko manakogina te alofa fakataina tela e fakavae ki te alofa o Iesu me ka se pokotia ne uiga masei o aso nei. Te olaga fakatau alofa e fakamalosi ne ia te tautali ki fakatonuga a te Atua mo tee loto fakamaoni mo te kufaki (2Ioane 5-6). Te olaga fakatau alofa e se sala ana mea mo ia eilola, kae tuku katoatoa a tona olaga mo tautua a olaga o latou kola ko se taulia, ko se lagonagina a olotou leo, e fatua kae fakaaolofa (1Ioane 3: 11-18).

**Mea fai a Tamaliki:**

- Usu pese
- Akoako meatauloto

**Fuaiupu Tauloto:** Ioane 13:34a “E avatu ne au ki a koutou a te po-  
loakiga fou: ke fakatau a’lofa koutou.”

**Pese:** God loves you and I love you and that’s the way it should be...

**Talosaga:**

Fakafetai lasi te motou Tamana mô tau Tama ko te motou Fakaola ko Iesu Keliso; akoako mai a matou ke fakatau alofa e pela mo tau poloaki-  
ga ki a matou, Amene.

**VAEGA 3: TE TALO NE AKOAKO MAI NE TE ALIKI:**

**ULUTALA 13: TE ATUA TE TAMANA**

**Tusi Faitau:** Mataio 6: 9-15

**Pogai:** Ke fakamalosi a tamaliki ke faka’logo ki te Atua me ko ‘tou Ta-  
mana.

**Fakatokāga mô Faia’koga:**

I te Feagaiga Mua a te Atua e taku me ko te Tamana o Isalaelu (Teutelelome32: 6); e taku foki me ko te Tamana o tino takitokotasi (Isaia 63:16). E fakaaoga sale foki te muna Tamana mo fakaigoa a te Atua. A Iesu e masani o taku ne Ia te Atua me ko te Tamana (Maleko 14:36; Loma 8:15; Kalatia 4: 6). Te mea na se fakaasi a te tasi o laua pela foki mo te ola mafuta fakatasi o laua mo te Tamana, kae ko fai te olaga fakatasitasi tena mo ata manino o te 'kaiga' tela e fakavae ki ei te Ekalesia ne Iesu. Ko tuku mai ne Iesu te saolotoga ki ona soko mo tatou ke fai a tena Tamana mo tou Tamana i te akoakoga ne ia o te talo tenei ki ona soko.

**Mea a’koga mo fakamāina ei a te mataupu:**

- Ata o Iesu

Tusi a te fuaiupu tauloto i se pepa lasi kae ke faitau ne tamaliki

**Fakatomuaga:**

Kaia e ‘taku ei a te Atua ko ‘tou Tamana?’”

**Akoakoga:**

A te ola tenei e ola a tatou i ei e isi sena gataga tela ko te mate faka te foitino, kae e se ko te gataga o te tagata auâ me e isi se ola mai tua atu o te mate. Se â a te uiga o te pati a Iesu penei, *a te tino e fakatuanaki mai ki a au, e tusa e iloa me mate a ia kae e ola e iloa a ia. (faitau 25)*. E tonu me i te mate e oko mai ki a tatou katoa kae e se tenei la a te gata-  
ga, e tâua ke iloa ne tatou e tamaliki me e isi se fakatokaga a te Atua mai i tua o te mate, ko te **ola** tela e malosia atu i te mate tela ko te ola ki te se gata mai. Kae e maua la ne tatou pefea a te ola tenei ki te se gata mai? E maua fua ne latou kola e fakatuanaki ki a Iesu, talitonu kae tau-  
tali i fakatonuga a Iesu. Ke fai tatou mo tino e talitonu, matakua kae fa-  
katuanaki ki a Iesu i tou olaga, e maua ei ne tatou a te ola ki te se gata tela e se mafai lele e iloa ne te mate o fakatakavale.

**Mea fai a Tamaliki:**

- Titi manatu mo tamaliki me sea te uiga o muna a Iesu i loto i te Fu-  
aiupu Tauloto *"e tusa e iloa me mate, kae e ola e iloa a ia"*  
Fakamaina ki tamaliki a te fakatokāga a te Atua mô te ola e se gata mai.

**Fuaiupu Tauloto:** Ioane 11:25 “Au ko te toetu mo te ola, so se tino e fakatuanaki ki a au, e tusa e iloa me mate, kae e ola e iloa a ia”

**Pese:** God is not dead, He is alive

**Talosaga:** Te Atua, fakafetai mo tou alofa ko mafai ei o maua ne matou a te ola ki te se gata mai e auala i tau tama ko Iesu Keliso. Fakamanuia mai omotou olaga ke fai matou mo tamaliki e talitonu kae fakatuanaki ki a koe ona ko Iesu, Amene.

**ULUTALA 30: KO TE FAKA SATAULOGA O IESU**

**Pogai:** Ke fesoasoani ki tamaliki ke lavea ne latou a te faigata mo te ‘mafa o te amoga ne amo ne Iesu kae maise a tona sataulo I tena auala ki Kalevalia

**Tusi Faitau:** Ioane 19: 16—27

**Tusi Faitau:** Ioane 11:17-27

**Fakatokâga mô Faia'koga:**

A Lasalo ko te tuagane o Malia mo Maleta kola e nofo i te fakai foliki ko Petania tela e lua maila mai i te feitu ki te saegala o te Mauga o Olive. A Iesu e masani o asiasi sale ki ona taugasoa konei (Luka.10:38-42; Ioa.12:1-8) kae ko Malia foki loa te tuagane o Lasalo ne milimili ne ia a vae o Iesu ki te sausau manogi togi mafa i te fale i Simiona te Lepela (Mata.26:6-13).

A te 'ola' o te tino ne tuku mai ne te Atua i te manavaga ne ia a tona 'Manava Ola' ki a ia i te faitega ne ia a te tino i te kamataga (Kene.2:7). A te Atua i te tala tenei e pule i te ola ona la e o ia totino a te kope tenei.

Iesu ko te "Toetu mo te Ola" (Ioa.11:25) tela ko i a tatou a te Atua (Mata.1:23) tela ne fakatu ne ia a Lasalo mai i te mate. Te malosi o te ola e lavea fua i a latou kola e fakatuanaki (Mata.17:20;21:21-22).

**Lesona:**

A te manakoga o te mataupu o te aso nei, ko te akoakoga o tamaliki ke malamalama latou i te mana faka-Atua o Iesu tela ne ana fakatuakega ei a Lasalo mai i te mate. A Iesu ne alofa ia Maleta mo Malia pela foki mo te la tuagaene ko Lasalo tela ko oti ne mate, ne ala ei o tagi fanoanoa a ia. Ko seai se fakamoemoega o Malia mo Maleta ona ko Lasalo ko fa a aso ne tanu ei. A te toe fakatuakega o Lasalo mai i te mate e fakaasi mai ei a te manumalo o te ola i te mate. E seai ake se isi tino e mafai ne ia o fai se faifaiga penei na ko te Atua fua auâ me ko ia e iloa tokotasi e pule saukatoa i te ola mo te mate. Masaua e Faiakoga me i te tala tenei e agai atu ki luga i te ola ki te se gata mai mai tua o te mate. E tenei a te ola tela e malosi atu i te mate auâ me e se toe mafai ne te mate o fakagata.

**Mea a'koga mo fakamâina ei a te mataupu:**

- Ata #74 – Lasalo ko fakatu mai ne Iesu mai i te mate
- Ata #88 – Iesu ko toetu manumalo mai i te mate

**Fakatomuaga:**

Kai â e tagi fanoanoa ei a tino mafai ko mate se tino o te lotou kaiga? (**Faiakoga** – Masaua me i te mate ko te mavaega faka te foitino kae mai tua atu ko te ola ki te se gata mai.)

**Akoakoga:**

A muna kamata o te talo a te Aliko 'te motou Tamana' se fakaasiga o te manako malosi o te tino ki te Tamana mo fesoasoani katoa kola e maua i te Tamana. 'Tela i te lagi': e fakaasi i ei i te Atua te Tamana e se pokotia ne uiga mo faifaiga a te agasala konei e lavea i te lalolagi. A te talo tenei ne akoako ne Iesu mo fakapatonu a tona alofa mo latou katoa kola ko fai mo ana Soko i aso nei i te saolotoga ne tuku mai ne ia ke fai a tona Tamana mo tou Tamana foki. A tena meaalofo tena ne fai ne ia me i a ia ko te Tama a te Tagata tela ko te Atua ne liu-tagata tela e katoatoa a tona iloa i te Atua ona ko ia ko te Tama loa e tokotasi a te Atua.

E tau mo tatou o fakalogo ki tou Tamana e pela mo Iesu ne fakalogo ki tona Tamana kae ne fai ne ia a mea katoa kola ne uga mai ei a ia ne tona Tamana ke fai, tige te faigata mo te fuifai.

**Mea fai a tamaliki:**

- Tauloto te talo a te Aliko
  - Usu pese
- Tali a fesili fakatoka ne te faiakoga

**Fuaiupu Tauloto:** Mataio 6:9 Tela la, ke 'talo koutou penei: Te motou tamana tela i te lagi ke tapu tou igoa,

**Pese:** Our Father who art in heaven hallow be thy name ...

**Talosaga:**

Fai te talo a te Aliko.

**ULUTALA 14: TE IGOA O TE ATUA**

**Tusi Faitau:** Mataio 6:9-15

**Pogai:** Ke akoako a tamaliki ke fakalogo ki te Atua me tapu a tona igoa.

**Fakatokâga mô Faia'koga:**

Te vaega o talo a te Aliko tela e fakaaoga i te mataupu o te aso nei e penei: "Ke Tapu a tou Igoa" (6: 9e). Te uiga o te 'tapu' ko te ma (holy). E lua a faifaiga e fakamaonia i ei te 'tapu' o te Igoa o te Atua. Muamua, ko fakatulafonogina ke moa e fakaaoga te Igoa tapu o te Atua ki mea masei (Esoto 20:7). Tena te pogai a tino Isalalelu e se mafai ne latou o taku te

igoa o te Atua, e tena te pogai ne fakaaoga ei ne latou a mataimanu konei 'YWH' mo fai te igoa o te Atua ona e se mafai o fakaleogina e pela mese muna. I te faifaiga tenei ko se mafai ne latou o taku te Igoa o te Aliko ona me tapu.

Te lua, ne fakamaonia ne te Atua te tapu o tena Igoa i tona se fialia ki faiga mo amioga masei mo agasala kola e fai ne malo mo tino takitokotasi (Levitiko 20:1-27). E lavea i loto i faitau konei a te se fialia o te Atua ki amioga kola e fakamasei ne ia te tapu (malu) o tino kola ko fai mo Kelisiano pela foki mo te malu o te Atua tapu.

### **Mea a'koga mo fakamāina ei a te mataupu:**

- Tusi te talo o te Aliko ki se pepa lasi  
Tusi ki Flashcards igoa io me ko tulaga o te Atua e.g. malu, Tapu ...

### **Fakatomuaga:**

Fesili ki tamaliki me e fia a igoa o te Atua e iloa ne latou.

### **Akoakoga:**

Te akoakoga taua i te mataupu tenei ko tatou ke taumafai o tausi a te tapu (malu) mo te ma o te Igoa o te Atua tapu i tou olaga. Ko tona uiga, e tau mo tatou i tou faiga, amioga, muna a tatou e fai o tausi te Igoa tapu o te Atua ke tapu kae masinasina. Tela la, kafai ko talo ne tatou te 'talo a te Aliko' ko fakapatonu ne koe te tapu o te Igoa o te Atua, kae ko toka foki koe o tausi e auala i au amioga mo faiga a te tapu o tena Igoa.

### **Mea fai a Tamaliki:**

Ke faitau te talo o te Aliko

Fai fesili

Faitau ki tulaga o te Atua

Tusi katoa ki lalo a igoa e fakaaoga ne tatou ki te Atua

**Fuaiupu Tauloto:** Esoto 20:7 Sa fakaaoga ne koutou toku igoa ki mea masei, me i au, te Aliko te otou Atua, ka fakasala ne au so se tino e fakaaoga 'se ne ia toku igoa

**Pese:** Great and mighty is the Lord our God...io me fili mai tusi pese

### **Talosaga:**

Fai a te 'talo a te Aliko.

- Fakamatala faka'lei ke malamalama a tamaliki i tulaga o fanoanoāga mo mafatiāga konei e fakafeagai saale mo tatou i 'tou olaga masani. Fakamatala faka'lei ki tamaliki ke maina latou me sea a te fakauigaāga a Iesu i ana oati kola i te Fuaiupu Tauloto o te aso nei.

### **Fakatomuaga:**

Kai lavea aka loa ne koutou ne tino e tagi fanoanoa kae mafatia? A latou e fakalofa me ikai?

### **Akoakoga:**

Tamaliki, e tasi o tulaga masani i 'tou olaga tela e mafai i ei o fakatino a 'tou faka'logo ki te Atua, ko te amanaia ne tatou a te 'mae o nisi tino io me nea aka

foki a lotou lagona. Ne akoako mai tatou ne te Aliko ke fakataua'lofa tatou kae ne fakatino foki ne ia i tena olaga i tona alofa ki a Lasalo. Ne faka katoatoa a tena alofa mō tatou i tena matega i luga i te sataulo mō 'tou agasala. Tela la e tamaliki, ke a'lofa tatou ki a latou kola e fanoanoa, kae maise ko 'tou taugasoā kola e mankogina ne latou 'tou fesoasoani mo 'tou fakamafanafanāga.

### **Mea fai a Tamaliki:**

- Fai faka-koniseti a te tala o te tagata Samalia alofa. Mafaufau ki auala i 'tou olaga faka – Tuvalu kola e mafai ei tatou o fesoasoani ki nisi tino mafai ko oko mai a fanoanoāga mo mafatiāga ki a latou.

**Pese:** We are one big happy family...

**Fuaiupu Tauloto:** Loma 12:15 Lifu fakatasi mo latou kola e lifu, tagi fakatasi mo latou kola e tagi.

**Talosaga:** Te Atua te motou tamana alofa, e akai matou kia koe ke au-mai ne koe te loto alofa, ke mafai ne matou o amanaia io me lagona ne matou a te mae o omotou taina puapuagatia. Amene.

## **ULUTALA 29: KO TE MALOSI O TE OLA I LUGA I TE MATE.**

**Pogai:** Ke akoako a tamaliki ke iloa ne latou me e isi se malosi o te ola i luga i te Mate.



- Faifesili: Sea a te Faimeatonu?
- Nea a mea i 'tou olaga e lavea ei ne tatou a te faimeatonu o te Atua? E iloa pefea ne tatou a te meatonu mo te mea se tonu?

**Fuaiupu Tauloto:** Mika 6:8 "Ikai, ko oti ne taku mai ne te Aliko ki a tatou te mea lei. Ate mea e manako a ia ke fai ne tatou, tenei: " Ke fai ne tatou te mea tonu, ke fakaasi atu te alofa tumau, kae ola mote loto maulalo i mua o te 'tou Atua."

**Pese:** Be careful little eyes what you do....

**Talosaga:** Te Atua ote fai mea tonu, matou ko te fanau e loi sale ite ukega o taimi, ona ko matou e matakū ma fai te meatonu. Fesoasaoni mai, ke fai ne matou te mea tela e loto koe kiei, tela ko te faiga ote meatonu. Amene.

## **ULUTALA 28: KO TE KAUFAKATASI I FANOANOAGA MO MAFATIAGA O NISI TINO.**

**Pogai:** Ke akoako a tamaliki ke loto fiafia o fesoasoani kae fakamafanafana ki a latou kola ko fanoanoa io me mafatia.

**Tusi Faitau:** Ioane 11:28-37

### **Fakatokāga mō Faia'koga:**

I te lasiga o taimi, e se lagona ne tatou a te fanoanoa mo te mafatia mafai e isi se tino e masaki malosio io me ko mate, vagana i ei ko ana kaiga tonu e iloa. A Iesu i te tala i te taeao tenei ne tagi fanoanoa fakatasi mo tuagaene o Lasalo ko Malia mo Maleta ia Lasalo ko mate. A latou konei e se kaiga kae ona ko te fakataualofa i masaniga faka te olaga tenei, ko ala ei o kaufakatasi foki ei i fanoanoaga mo mafatiaga. Te manakoga ko tamaliki ke iloa ne latou o a'lofa kae fanoanoa fakatasi mo latou kola ko maua ne te loto fanoanoa e pela mo Iesu i te tala tenei, kae ke se katakata tatou ki tino kola e tagi io me faka-kaitoa tatou ki a latou. Ke fiafia fakatasi tatou mo latou kola e fiafia, kae ke fanoanoa fakatasi foki tatou mo latou kola e fanoanoa.

**Mea a'koga mo fakamāina ei a te mataupu:**

## **ULUTALA 15: TE MALO O TE ATUA**

**Pogai:** Ke fesoasoani ki tamaliki ke fakalogo ki te Malo o te Atua

**Tusi Faitau:** Mataio 6:9-15

### **Fakatokāga mō Faia'koga:**

Te mataupu o te aso nei kote vaega o te talo a te Aliko tela e fai pe nei. "Ke oko mai a tou Malo." Ko Iesu e a ia a muna konei ne akoako ne ia a ona soko ke akai io me fakatagi ki te Atua ke aumai a tona Malo.

Te Malo o te Atua ko te fai o te pule a te Atua io me ko te pulega a te Atua ke fai i lalo nei e pela mo te fai i te lag. Te Malo o te Atua e fakavae ki te amiotonu, te filemu, te fiafia i te Agaga Tapu (Loma 14: 17); e se fakavae fua ki pati, ka ko tena mana foki (1Kolinito 4: 20). Te malo o te Atua e tena i loto i a koutou (Luka 17: 21e).

Ko pogai ne fai ei te fakatagi a Iesu (pela foki mo ana Soko) ki te Atua ke oko mai a tena Malo, ona ko te lavea ne Iesu o faifaiga a malo o te lalolagi kola e mativa i te amiotonu, faimeatonu, filemu, fiafia mo te alofa kae ko lasi te fai amioga masei, fakapologa, faka-keseke, faimea-pikopiko, te tatino mo te loi.

**Mea a'koga mo fakāmāina ei a te mataupu:**

Flashcards: Filemu, amiotonu, alofa

### **Fakatomuaga:**

Ko oi te tamaliki e fia kau ki te malo o te Atua?

### **Akoakoga:**

A te malo o te Atua e manako ke pule i tou loto; me kafai ko talia ne tatou a tona malo kae fakalogo ki tena pulega, ko tena uiga, a tatou ka fai meatonu, kae alofa, kae fakapau ne tatou a tino katoa. Ka faigata i a tatou o fai amio masei kae fakapologa foki a tino kola e ola tasi tatou. Tela la, ko tau ke talia kae fakalogo a tatou ki te Malo o te Atua, kae talo foki a tatou ke oko mai ki a tatou katoa.

**Mea fai a Tamaliki:**

- Fai te tafaoga "Jesus says" ke lavea ne tamaliki ate aoga ote fakalogo.

Flashcards: kola ne fakatoka ke fakataufaiga i potukau

**Fuaiupu Tauloto:** Mataio 6:10 Ke oko mai tou Malo, Ke fai te mea e loto koe ki ei i lalo nei, e pela mo te faiga i te lagi.

**Pese:** Come and go with me to my Father's house ...io me fili mai tusi pese

### **Talosaga:**

Iesu fakamâ ne koe omotou loto mai agasala, fesoasoani mai ke fai matou mo tamaliki o tou Malo i lalo nei ke oko atu foki loa ki te se gata mai. Amene.

## **ULUTALA 16: TE LOTO O TE ATUA**

**Pogai:** Ke fakamalosi a tamaliki ke faka'logo ki te *Loto o te Atua*.

**Tusi Faitau:** Mataio 6:9-15

### **Fakatokāga mō Faia'koga:**

Te mataupu e maua i te vaega o te Talo a te Aliko tela e penei, "Ke fai e mea e loto koe ki ei i lalo nei, e pela mo te faiga i te lagi (10e). Te loto o te Atua io me ko te fai te loto o te Atua se fakaasiga me i te Atua ko te pule tafasili i te maluga. Te fakalogo ki te loto o te Atua ko te fai o te loto o te Tamana. A te fai o te loto o te Atua ko toe mea tafasili i te taua i olaga o tino tautali ki te Atua e pela mo molimau a tusi tala konei: (Sala.40:8) Te tausiga o Tulafono o te Atua. (Mata.12:50: 26:42) Iesu ko te fakaasiga tela e katoatoa i ei a te loto o te Atua. (Ioa.7:17) Te fai o te loto o te Atua e maua ei te poto mo te atamai. (Efe.6:6) Te fai o te loto o te Atua i te fai o galuega mo te fakamaoni. (Iako.4:15) Te tulafono mo mea e tau o fai i aso taki tasi o te olaga.

### **Mea a'koga mo fakamāina ei a te mataupu:**

Tusi te vaega o te Talo ki te pepa

### **Fakatomuaga:**

Fesili ki tamaliki me mafai ne se tamaliki o fai te loto o tena tamana?

### **Akoakoga:**

Ko fakataua ne te lesona tenei a te olaga fakalogo ki te loto o te Atua tela e fakaasi mai ki a tatou ne Tusi Tapu mo akoakoga a Iesu, ne te galuega a te Agaga Tapu, ke oko ki akoakoga kola e maua ne tatou mai i

### **Fakatokāga mō Faia'koga:**

A Faiakoga o te Tulafono mo Falesaio ne tino kola e iloa 'lei ne latou o fakamatala a Tulafono a te Aliko, pela foki mo te vaega olaga tela e tau o la i ei a tino Isalaelu i mua o te Atua. Kae ne lavea ake nei i taimi o Iesu, me ko latou foki loa konei ne lasi te teke ki a Iesu mo ana akoakoga, tela ko se fetau tonu ei mo tulaga o latou.

Ne lavea te fia-amiotonu o Faiakoga o Tulafono mo Falesaio i te soso mai ne latou te fafine kae fai ki a Iesu me maua atu e agasala; ne agai ne Iesu a latou ki ana muna, "*Ko te tino e seai sena agasala i a koutou na, ke muamua la o pei ne ia se fatu ki te fafine.*" Iesu ne faipati malosi ki ona soko e uiga mo amioga masei o Falesaio mo Faiakoga o Tulafono (Mata.23:1-36).

### **Mea a'koga mo fakamāina ei a te mataupu:**

- Mafaufau ki se tala e mafai ei ne koe o atili fakamaina a te uiga o te pati tenei "*Faimeatonu*"  
Fakamatala ki tamaliki a tulaga o te olaga o tatou kola e mafai ei o moli-maugina ne tatou a te faimeatonu o te Atua.

### **Fakatomuaga:**

Sea a te uiga o te pati tenei "*Faimeatonu*"? E mafai pefea ne tatou o fakavasega a te faimeatonu mai te fai mea se tonu i 'tou olaga?

### **Akoakoga:**

E uke a taimi i loto i 'tou olaga, tatou e ma'taku o fai a te mea tonu me i tino ma ita mai ki a tatou, kae i nisi taimi foki ko ma'nako tatou o fai a te mea tela e 'se tonu ko te mea fiafia mai a tino ki a tatou. Mai i te ma'taku o tatou, ko 'loi ei tatou i 'tou faiga io me ko 'tou pati e fai, io me ko fai ne tatou se mea se tonu ke fiafia mai tino kia tatou. Tamaliki, a te Atua se Atua faimeatonu kae ko manako mai a ia ko tatou ke fiafia o fai faeloa a te mea tela e tonu kae sao. *E iloa pefea ne tatou a te meatonu tela e 'tau o fai ne tatou?* Sose mea tela e fai ne tatou kae e 'lei, e tonu kae e fiafia foki ki ei a te Atua, tena a te tinã meatonu, kae kafai se mea e ma'nako tatou o fai kae se tonu kae ko te mea fua ke fiafia mai a tino ki a tatou io me ko tatou fua ke takutakua kae se vikia ei a te igoa o te Atua, a te mea tena se matuã mea 'se e iloa kae e se fiafia ki ei a 'tou Aliko. Tamaliki, fai a te mea tela e tonu i aso katoa o outou olaga kae ka fakamanuia ei koulua ne te Atua.

### **Mea Fai a Tamaliki:**

2), ka ko pule ke faifakalei ki olotou pologa pela mene taina (File.15-16).

### **Mea a'koga mo fakamāina ei a te mataupu:**

- Ata o tino fakaalofa, tino se katoatoa, tino mativa io me ko tino māsaki foki.
- Ata#65 – ko faka'lei ne Iesu a te tino e fakamate a tona foitino
- Ata#93 – ko fa'lei ne Petelu mo Ioane a te tagata `pili

### **Fakatomuaga:**

Kooi a vaega tino kola e saisaitia kae fakapuapuagatia a lotou olaga?

### **Akoakoga:**

I Tuvalu nei, e se lavea ne tatou ne tino e saisaitia a lotou olaga io me e fakapuapuagatia foki vaga'na iei ko pagota kola e fakasala. Kae i taimi o Iesu ke oko mai ki aso nei i fenua lasi kola i tua, e uke a vaega tino kola e saisaitia ona ko tulafono faka te lotu mo tū mo aganū o fenua kona. E tokouke foki a tino e fakapuapuagatia a lotou olaga ona ko pulepulega masei a nisi tino mo te fai togafiti. Ia, kae maluga i akoakoga a Iesu ke a'lofa foki tatou ki tino kola e saisaitia olotou olaga faka te agaga ona me se iloa ne latou a Iesu, mo tino kola ko fakapuapuagatia olotou olaga ne nisi tino ona ko olotou fakatuanaki ki a Iesu mo tena Tala `Lei. Ke a'lofa tatou ki tino katoa penei kae ke fialia tatou o fesoasoani ki a latou.

**Fuaiupu Tauloto:** Salamo 119:45 "Au ka ola i te olaga saoloto, me ia au e taumafai o fakalogo ki au akoakoga."

**Pese:** Love the People io me fili mai tusi pese

### **Talosaga:**

Te motou tamana tela ite lagi, koe ke alofa o fesoasoani mai kia matou, ke fai matou mo tamaliki kola e loto fialia, kae kau fakatasi mo latou kola ko ola ise olaga fakasauagina, kae faka pologa.

### **ULUTALA 27: KO TE OLAGA FAIMEATONU.**

**Pogai:** Ke akoako ki tamaliki a te tūa o te olaga faimeatonu.

**Tusi Faitau:** Mika 6:6-8.

olaga o latou kola ne sasale i te auala o te fakatuanaki i olotou olaga katoa.

### **Mea fai a Tamaliki:**

- Tamaliki ke tusi katoa ki lalo a mea kola e iloa ne latou e loto kiei te Atua ke fai ne latou.
  - Fai fesili
- Usu pese

**Fuaiupu Tauloto:** Mataio 6:10e "Ke fai te mea e loto koe ki ei i lalo nei, e pela mo te faiga i te lagi."

**Pese:** Standing on the promises of God.....io me fili mai tusi pese

### **Talosaga:**

Ke fai te talo a te Alik.

### **ULUTALA 17: TE FAKASOA A TE ATUA**

**Tusi Faitau:** Mataio 6:9-15

**Pogai:** Ke fakailoa ki tamaliki me i mea `lei katoa e maua ne tatou ne fakamanuiaga katoa mai i te Atua.

### **Fakatokāga mô Faia'koga:**

Te lesona o te aso nei e puke mai i te faitau e 11 "*Tuku mai a omotou meakai e tau mo te aso nei*" (faitau 11). Te vaega o te talo tenei se fa-kaasiga o mea kola e manakoga a tou olaga ki ei, ona la e seai se tino e mafai o tu toko tasi io me ola toko tasi i a ia e iloa. Te vaega talo tenei se fakatagi ko tatou ke fakamaoni o galue i aso taki tasi ke maua ne tatou te fakasoa a te Atua. A tatou e se tau o ola fakalagolago fua ki te alofa o te Atua mo tino aunoa mo se tauta. Tena la, ko tau ke faka muna a te talo penei mo fakamaina te kano loto o te mataupu: "*Tuku mai ki a matou a tau fakasoa, ko matou ke fakamaoni o galue i aso takitasi ko te mea ke maua ne matou tau fakasoa.*"

### **Mea a'koga mo fakamāina ei a te mataupu:**

Fakaasi ne ata o tino e galue i te fatoaga o toki a talo mo olotou kai.

**Fakatomuaga:** Ko oi te tino e fakasoa mai ne ia tou ola, e faka'fua ne

ia `tou fatoaga kae fakauke foki ne ia a ika o te tai?

**Akoakoga:**

Ko akoako mai a te mataupu o te aso nei, ke iloa ne tatou me e tau mo tatou o kilo ki te Atua i aso katoa me se mafai o ola tu toko tasi a tatou keatea mai te fakasoa a te Atua. Ko fakapatonu mai ne te faitau e 11 me ko te Atua e pule i te fakasoa, tela la, e tau loa mo tatou o fakalogo ki te Atua ke maua ne tatou a tena fakasoa alofa.

**Mea fai a Tamaliki:**

Ave tamaliki ki tua ke lavea a lakau kaina- niu, mei mo nisi mea aka

**Fuaiupu Tauloto:** Mataio 6:11 Tuku mai omotou meakai e tau mo te aso nei

**Pese:** Jesus is the way the truth and the life ...io me fili mai tusi pese

**Talosaga:** Talo a te Alik

**ULUTALA 18: TE FAKAMAGALOGA A TE ATUA**

**Pogai:** Ke akoako a tamaliki ke talia ne latou a te fakamagalōga a te Atua kae ke faka'logo foki ki ei.

**Tusi Faitau:** Mataio 6:9-15

**Fakatokāga mô Faia'koga:**

Te mataupu e uiga ki te Fakamagaloga a te Atua e fakavae mai te vaega o te "Talo a te Alik", tela e penei: *"Fakamagalo mai omotou agasala " e pela mo matou e fakamagalo atu ki a latou kola e se ` mai ki a matou".* E fakaasi i te vaega o te talo tenei te fakatagi ki te Atua me ko ia fua tokotasi e mafai ne ia o solo ke ma a tou seega. E pogai mai a te fakatagi tenei ona kote se mafai ne tatou o fai se faiga ke fakamagalo a tou agasala, ko te mea ke mafai foki o fakasaoloto a tou mafaufau mai i te mafa o seega kola ne oko ki ei a tatou. Te faifaiga ne fai ne te Atua mo fakamagalo a tou agasala e se faigofie, ona e manakogina se tokotasi ke ave ne ia a seega konei keatea mai i tou olaga kae ke losi katoa ki a ia a tou masei katoa ( Isaia 53:4-8). Ko te Atua ne mafai ne ia o fai a te tusaga tena mo tatou. Te sataulo ko te ata o te tusaga faigata kae logomae ne fai ne te Atua e auala i a Iesu mo fakamagalo a tatou. Te tusaga te-

kaalofa a lotou olaga. Tamaliki, e `tau mo tatou o a'lofa ki tino penei mo tino katoa auã me ne faite katoa tatou ne te Atua. Ona ko te Atua e alofa ki tino katoa, e `tau foki mo tatou o alofa pena ki tino katoa.

**Mea fai a Tamaliki:**

- Akoako te fuaiupu Tauloto
- Usu pese

Fai `tala e uiga mo te mataupu tenei ki te *"Fakataua'lofa"*

**Fuaiupu Tauloto:** Fataoto 22:9 Alofa ki tino mativa o tufa atu au meakai ki a latou; Ka maua ne koe se fakamanuiga ona ko tau mea tena ne fai.

**Pese:** Let there be love among us io me fili mai tusi pese

**Talosaga:** Te Atua te tamana o tamaliki mo tino katoa, e akai atu matou ke fai ne koe matou mo tino kola e atafai, kae a'lofa ki tino katoa ne faite ne koe. E isi ne tino ko fakavasega ne matou pela me ne tino se taulia, tela matou mo akai atu te Atua, ke fesoasoani mai koe, o ave keatea a lagona konei, me e se tonu mo te olaga tela e manako koe ki ei. Amene.

**ULUTALA 26: A'LOFA KI TINO KOLA E SAISAITIA KAE PUA-PUA'GATIA OLOTOU OLAGA**

**Tusi Faitau:** Loma 8:18–21, 2 Kolonito 3:17

**Pogai:** Ke akoako a tamaliki ke fia'fia o fesoasoani ki tino kola e saisaitia kae puapuagatia olotou olaga auã me se fakaasiga foki tena o te olaga faka'logo ki te Atua.

**Fakatokāga mô Faia'koga:**

E sefulu-lua tausaga ne saisaitia i ei te olaga o te fafine tenei kae nofo pologa i lalo o te masaki mo togafiti a tokita tela ne palele i ei ana koloa. So se tino e oko ki se tulaga penei e lavea i ei te fita, fakaalofa, te loto se toka kae e manako malosi ki se saolotoga ki te ola lei mo te malosi. A teTusitapu e fakamalosi ne ia te alofa ki pologa kola e seai se saolotoga o latou (Teu.15:14; Sala.146:7, Luka.4:18), kae fakamalosi foki ki pologa ke galue fakamaoni o tautua a olotou pule (Kolo.3:22; 1Timo.6:1-

Te motou Atua, fakamalosiā mai omotou loto ko te mea ke fiafia matou o fai talosaga atu ki a koe i aso katoa o motou olaga.

## **ULUTALA 25: ATAFAI KAE FAI FAKA'LEI KI TINO FAKAALOFA MO LATOU KOLA E SE KATOATOĀ OLOTOU FOITINO.**

**Tusi Faitau:** Salamo 147:1-3, Isaia 14:10-13

**Pogai:** Ke akoako a tamaliki ke a'lofa kae atafai ki tino katoa kae maise ko latou kola e fakaa'lofa.

### **Fakatokāga mō Faia'koga:**

Te olaga o tino Isalaelu e fakavae te olotou olaga nofo lei mo te fealofani ki fakanofoga io mene tulafono kola ne tuku ne te Atua ki a Mose. E fakamatala i tulafono konei a faifaiga kola e tau o fai ki tino fakaalofa, tino mativa, tino se taulia mo vaega tino katoa kola e pokotia i faifaiga a tino kola e pule, tino maumea, tino maluga mo tino kola e lasi te lauiloa i loto i te sosaiete tena.

Tiga i ei a tulafono mo fakanofoga konei, a tino i te tala o Patimaio (Male.10:4652) ne kilo mo te fakatauemu ki tino fakaalofa kae ne liko ne latou ke moa e kalaga ki a Iesu. Iesu i tala katoa penei ne lavea a tona alofa atafai ki tino fakaalofa i te amanaia ne ia a olotou manako mo te loto alofa (Male.1:40-42).

### **Mea a'koga mo fakamāina ei a te mataupu:**

Ata o tino fakalofa, vitio

### **Fakatomuaga:**

E isi ne tino fakaa'lofa io me ne tino e se katoatoa a lotou foitino e iloa ne koutou? Kaia e 'tau ei mo tatou o fai faka'lei kae alofa ki a latou?

### **Akoakoga:**

I loto i te olaga tenei, e tokouke a tino ko se talia ne latou a tino mativa, tino ma'saki masei ke oko e iloa ki tino kola e se katoatoa a lotou foitino. Me e pefea a te lotou se taulia i manatu o tino, kae i te taeo nei ko toe fakamasaua mai i 'tou tala me ia Iesu e manako ke a'lofa kae atafai tatou ki vaega tino penei. E fakafetai tatou ki te alofa o te Atua me ne faite ne ia tatou ke katoatoa 'tou foitino, 'tou matua e a'lofa mai ki a tatou, e isi ne koga mo 'tou nofo, e isi ne 'tou meakai, kae e tokouke kī a tino e fa-

nei ne fai ne te Atua e se mafai o togi ki tou galuega lei io me ne tupe ona me se meaalofo a ia mo tatou katoa (Efeso 2:8).

### **Mea a'koga mo fakamāina ei a te mataupu:**

Fakaasi a ata o te tama fakamaumaumea i te sai-puaka, mo ata o tena fokiga mo ana gatu masaesae kae mata fakaalofa pela foki mo ata o te taliaga o ia ne tena tamana.

### **Fakatomuaga:**

Fesili ki tamaliki me ko oi te tamaliki ko oti ne oko ki se tulaga fiakai malosi ki loa kae ko manako fua o kai ki meakai a puaka?

### **Akoakoga:**

Ko akoako mai ne te mataupu o te aso nei me ko te Atua fua e mafai ne ia o fakamagalo a tou seega kae e fakamagalo fua ne ia a tatou mafai e loto fakamagalo a tatou. E gali ke iloa ne tatou me i te fakamagaloga a te Atua se mea tafasili i te faigata kae ne fai ne te Atua i tona lotomalie mo koe mo au mo tatou katoa.

### **Mea fai a Tamaliki:**

Faka-koniseti te tala o te tama fakamaumaumea.

**Fuaiupu Tauloto:** Mataio 6:12 Fakamagalo mai omotou agasala e pela mo matou e fakamagalo atu ki tino kola e agasala mai ki a matou

**Pese:** Jesus is the way the truth and the life io me fili mai tusi pese

**Talosaga:** Iesu ko tuku katoatoa atu ne matou omotou ola ki a koe ko te mea ke maua ne matou a te loto fakamagalo tela e finagalo koe ki ei, Amene.

## **ULUTALA 19: TE TAUSIGA A TE ATUA**

**Tusi Faitau:** Mataio 6:9-15

**Pogai:** Ke fakamasaua ki tamaliki ke talia ne latou a te tausiga a te Atua kae ke fakalagolago ki ei i aso katoa.

### **Fakatokāga mō Faia'koga:**

Te mataupu e maua i te vaega o te Talo a te Alike tela e penei, "Ke fai e mea e loto koe ki ei i lalo nei, e pela mo te faiga i te lagi (10e).

Te loto o te Atua io me ko te fai te loto o te Atua se fakaasiga me i te Atua ko te pule tafasili i te maluga. Te fakalogo ki te loto o te Atua ko te fai o te loto o te Tamana. A te fai o te loto o te Atua ko toe mea tafasili i te taua i olaga o tino tautali ki te Atua e pela mo molimau a tusi tala konei: (Sala.40:8) Te tausiga o Tulafono o te Atua. (Mata.12:50: 26:42) Iesu ko te fakaasiga tela e katoatoa i ei a te loto o te Atua. (Ioa.7:17) Te fai o te loto o te Atua e maua ei te poto mo te atamai. (Efe.6:6) Te fai o te loto o te Atua i te fai o galuega mo te fakamaoni. (Iako.4:15) Te tulafono mo mea e tau o fai i aso taki tasi o te olaga.

### **Mea a'koga mo fakamaina ei a te mataupu:**

Se ata o te fale o te kau Eskimos i te kiona mo olotou tino i olotou gatu moko.

### **Fakatomuaga:**

Fakaaoga te ata ke onono a tamaliki ko fesili i ei ki a latou me iloa ne latou i te Atua e tausi ne ia a tino konei?

### **Akoakoga:**

Te vaega o te talo tenei ko akoako mai me taua ke tofotofogina a tou fakatuanaki ko te mea ke tupu malosi, i te sua faitu, ko te Atua loa e mafai o tausi a tatou mai te masi o te lalolagi kae fakasao ne ia a tatou. Iesu tela ne uga mai i te lagi ko te ata e katoatoa ei te tausiga a te Atua ki a tatou.

### **Mea fai a Tamaliki:**

Fai ki tamaliki ke lomi a ata o mea kola e fakaaoga ne tatou ne tuku mai ne te Atua.

**Fuaiupu Tauloto:** Mataio 6:13 Kae sa takitakigona matou ki se tofotofoga, kae fakasao mai matou mai te masei.

**Pese:** Tafa o te vaitafe o Papelonia...io me fili mai tusi pese

**Talo Fakaoti:** Talo a te Alike.

## **ULUTALA 20: KO VIKIGA O TE ATUA**

e mafai ne koe o maua a te tali a te Atua i ei.

E uke a pogai e talo ei a tino ki te Atua: Iesu ne talo i Ketesemane o sala se fesoasoani mo te mafa o te tusaga ka fai ne ia mo fakaola te lalolagi; (Kene.32:9-12) A Iakopo ne talo kemaua se fesoasoani ona ko tena matakou i tona taina ko Esau; A te tupu ko Tavita ne talo ke fakamagalo a tona se i te pukega ne ia te avaga a Ulia mo fai a tena avaga (Sala.51); A Paulo mo Sila ne talo tela ne fepaki ei te mafuie i te falepuipui, ko te mea loa ko matala mataloa o te falepuipui.

Iesu ko te ata o tagata talo tela se faka-akoakogatalo tafasili i te gali mo tatou i aso nei.

### **Mea a'koga mo fakamaina ei a te mataupu:**

- Ata o Iesu e 'talo, se fakaakoakoga mô tatou
- Se ata o tamaliki e fai talosaga.

### **Fakatomuaga:**

Kaia e fai talosaga ei tatou ki te Atua? Sea a te 'Talo?

### **Akoakoga:**

Tamaliki, e taua ko koutou ke fakamasani o fai talosaga ki te Atua. Ko iloa nei ne koutou me i te 'talo, ko te sautala io me ko te faipati o tatou ki te Atua. Ko mea kola e ma'nako tatou ki ei, mea kola e fia maua ne tatou, kae maise ko te avatu ne tatou ki a ia a 'tou fakafetaiga e 'tusa loa ko tena alofa, tena tausiga, tena foaki, tena aga'lei mo tena atafai mô tatou i aso o 'tou olaga. Ke tumau tatou i te fai talosaga ki te Atua, me ko ia ko te pule o te olaga kae ko ia fua tela e 'tau o tapuaki taou ki ei. E iloa foki ne ia a mea kola e 'lei kae 'atu mô tatou mo mea kola e se 'tau mo tatou. A te Atua, e fakatalitali mai faeloa ki a tatou ana fanau ke olo atu ki a ia e auala i 'tou talosaga fai ki ona mua.

### **Mea fai a Tamaliki:**

Fakaakoako a tamaliki ke iloa ne latou o fai talosaga i te fakasolo taki tokotasi.

**Pese:** Faitau Tusitapu ma tatalo i aso katoa io me fili mai tusi pese

**Fuaiupu Tauloto:** Mataio 26:41 "Sa 'moe, kae 'talo i te mea ma oko mai a fakaosoosoga ki a koutou."

### **Talosaga:**

### **Mea a'koga mo fakamāina ei a te mataupu:**

Ata o tamaliki e tafao kae tufatufa olotou mea.

### **Fakatomuaga:**

E isi ne tamaliki e alofa sale o tuku olotou mea ki nisi tamaliki.?

### **Akoakoga:**

I loto ite olaga tenei, e masani o lavea sale ne tatou a nisi tino kolatou e iloa ko alofa, kae kaimalie ki nisi tino. E lavea foki ne tatou ikonei ate gali ote faifaiga penei e gali, kae fealofani foki iei a tino. Tela la, tamaliki, e fakamasaua mai kia tatou, ke tumau tatou ite fiafia o alofa kae kaimalie. Te Atua e alofa faeloa kia tatou, kae kaimalie faeloa aia, tela e lavea foki e iloa iei ne tatou te alofa kaimalie ote Atua, ne tuku mai iei ne ia tena tama pele ko Iesu, kote mea ke mate, kae ke magalo tou agasala, kae maua foki ne tatou ate ola ese gata mai. Amene.

### **Mea fai a Tamaliki:**

Faka koniseti te tala o te tamaliki e alofa kae kaimalie.

**Pese:** Love is something that you give it away io me fili mai tusi pese

**Fuaiupu Tauloto:** Ioane 15:13 "Ate alofa tafasili e 'tau o fakaasi ne te tino, ko te tuku atu o tona ola e sui ei a ola o ona taugasoa."

### **Talosaga:**

Te Atua te tamana o te alofa kaimalie, matou e akai atu ki a koe ke alofa koe, fesoasoani mai ki a matou, kae aumai te loto alofa kae kaimalie ki a matou, e fakaasi i ei ne matou ia matou ko au fanau. Amene.

## **ULUTALA 24: FAI TALOSAGA**

**Tusi Faitau:** Mataio 26:36-46

**Pogai:** Ke fakamalosi a tamaliki ke fia'fia o fai talosaga ki te Atua i aso o lotou olaga.

### **Fakatokāga mō Faia'koga:**

A te talo ko te sautala mo te Atua; ko tona uiga, a koe e faipati ki te Atua i tau talo kae tali mai a ia ki a koe e auala i te musumusuga a te Agaga Tapu, i te faitau o koe ki te Tusi Tapu io me ko nisi auala foki kola

**Tusi Faitau:** Mataio 6:9-15

**Pogai:** Ke fakamaina ki tamaliki ke fai ne latou a vikiga o te Atua i olotou olaga.

### **Fakatokāga mō Faia'koga:**

Te vaega tenei e seai ia Luka 11:1-4 kae e fai pela mene fakaopopo ki te Mataio i se taimi fakamuli. I te 2Timoteo 4:18 e lavea foki i ei se fakaotiga e tai 'pau mo te vaega tenei o te "Talo a te Alik". E tuku taumate me ko latou kola ne puke-mau ki akoakoga a Iesu, e a latou te fakaotiga tenei ko faopopo ki te talo a te Alik tela e fano pela mo muna a Tavita (1Nofoaiga a Tupu 29:11) i te tavae ne ia o te Atua i taimi o te fakamanuiaga o taukai i te Fale Tapu.

A Iesu ko oti ne mate i te sataulo, tela ko te auala e fakasao ei a tatou mai te masei - ke oko mai a tou Malo, tela ko te fakamoemoe te la e ola ei a tatou. Tela la, te vaega fakaotiga tenei i te talo a te Alik, ko vikiga o te Atua mo Iesu Toetu Manumalo.

"Me io koe te Malo" - ko vikiga o te Malo manumalo o te Malo o te Atua ia Iesu kae fakatusatusa ki malo fai togafiti, kaimanako mo te loto masei o te lalolagi. A ko te Malo o te Atua ne seki mafai foki ne te Sataulo i Kalavalia o ofa io me fakatakavale. "Te malosi"- a te malosi i lima o tino fakamatamata e fakamataku kae e ofa filemu - Te malosi o te Alofa tela ne lavea i te Sataulo ne fakatoka i ei te vaega tenei o te talo mo vikia a te Atua. Me ko te vikiga o te Atua ne fakaasi ne Iesu i te sataulo, te tavana mo te toetu manumalo. A te Atua tela e se gata mai, ko ia tokotasi fua e 'tau o avatu ki ei a 'tou fakaaloalo i 'tou tapuaki atu ki a ia, "me i o ia te Malo, te malosi, tavaega e se gata mai, Amene."

### **Mea a'koga mo fakamāina ei a te mataupu:**

- Te ata o tino e usu pese kae fai a taaga, io me sose ata fua tela e fakaasi ei a te avatu o vikiga mo tavaega o te Atua.

Ata #90 e fakaasi ei a te 'mana mo te malosi o te Atua ia Iesu.

### **Fakatomuaga:**

Nea a auala e mafai ei ne tatou o avatu a vikiga mo tavaega o te Atua?

### **Akoakoga:**

A vikiga mo tavaega o te Atua e 'se ko tapuakiga fua e avaka ei ne tatou kae ko sose mea fua e fai ne tatou, e 'tau e iloa o fai mo ōna vikiga mo

ōna tavaega, me kai tatou io me e inu, me tafao tatou io me fai 'tou galuega. A te fai ne tatou a vikiga mo tavaega o te Atua ko te fai ne tatou sose mea tela e 'lei kae tonu e fialia ki ei a te Atua kae 'se ko mea masei io me ko mea 'loi. Masaua foki me tenei eiloa a te pogai ne faite ei tatou ne te Atua, ko tatou ke ōla tapuaki atu ki a ia o avatu ona vikiga mo ona tavaega.

**Mea fai a Tamaliki:**

- Tu katoa ki luga o usu pese kae fai a taaga.
- Akoako te fuaiupu tauloto

Usu pese

**Fuaiupu Tauloto:** 1 Koli 10:31 "Tela la, me ne a outou mea e fai, me 'kai io me inu, e fai katoa ne koutou mō vikiga o te Atua"

**Pese:** Praise Him in the morning, Praise Him in the noon time.....

**Talo Fakaoti:** Fai fakatasi te talo a te Aliko.

**VAEGA 4: IESU KO TE FAKAAKOAKOGA TONU KI TE OLAGA.**

**ULUTALA 21: KE FAKA'MALU KI TE SAPATI.**

**Tusi Faitau:** Ieemia 17:19-27

**Pogai:** Ke akoako a tamaliki ke tausi kae faka'malu ne latou a te Sapati.

**Fakatokāga mō Faia'koga:**

Te Sapati se aso e tapu, kae e tapu se galuega e fai i ei (Eso.20:8-11). E tena foki te folafolaga a Ieemia ona ko te fakatonuga a te Atua. A koga pili ki 'mataloa o te fakai' i te olaga o Isalaelu mo taimi o pelofeta, ko te koga e fetau i ei a tino o te fakai o fai fono i ei (Luta.4:1). Te fakalogo ki fakatonuga a te Atua ko te fakaasiga o te alofa mo te Atua; ako te se fakaogo ko te teke tena ki te Atua. A te fakalogo foki ki te Atua ko te fai mo tino tonu o te Atua (Eso.19:5).

**Mea a'koga mo fakamāina ei a te mataupu:**

fakalikiliki se fakaasiga ki te Atua kae 'se ki nisi tino a te loto salamō pa'tonu io me se fakaasiga o te loto fakatauanau mō se manakoga ki te Atua mō se fesoasoani. I aso nei, e ui ko se lavea malosia ne tatou a te faifaiga tenei i 'tou tapuakiga masani, kae e isi eiloa ne potukau, kaiga io me ko tino taki tokotasi koi fakaaoga eiloa ne latou a te fakalikiliki i olotou mafutaga mo te Atua. E tūa i konei e tamaliki ko te agaga o te fakamuamua mo te fakamaluga o te Atua i 'tou manakoga kae se ko meakai, ke lasi a te 'tou fakalagolago ki te Atua e ola ei tatou kae se ko meakai fua.

**Fuaiupu Tauloto:** Ioane 6:35 Ko au ko te Falaoa o te ola, ko te tino e vau ki a au e se toe fia kai, ko te tino foki e talitonu ki a au, e se toe fia inu eiloa.

**Pese:** Faitau Tusiapu ma tatalo i aso katoa io me fili mai tusi pese

**Talosaga:**

Te Atua alofa, fakafetai ia koe ko te Falaoa o te ola tela e ola ei matou nei kae ke oko atu foki loa ki te se gata mai. Akoako mai matou ke iloa ne matou o fakalagolago faeloa ki a koe i aso katoa o motou olaga. Amene.

**ULUTALA 23: ALOFA KAIMALIE.**

**Pogai:** Ke akoako tamaliki, me ite fakaasiga o te lotou fakalogo kite Atua, e tau ke iloa ne latou o alofa kaimalie.

**Tusi Faitau:** Mataio 6:1-4, Isaia 58:6-8

**Fakatokāga mō Faia'koga:**

Te tuku o mea ma tino mativa se faifaiga e lasi te lavea i tala i loto o te Tusi Tapu tela e fai pela mene fakamanuiaga mai i te Atua. I te Feagaiga Mua e fakamalosi i ei a te atafai ki tino mativa (Fata.14:21, 31) mese uiga lei. I a Teutelenome (14:28-29) e fakaasi i ei me i te tasi-vaesefulu e tuku ma tino mativa i taki tolu tausaga. E masani foki o a tino kati saito o tiaki ne kau-saito ke taetae ne tino mativa (Teu.24:19-23).

I te Feagaiga Fou a tino Iutaia e ola i a latou te manatu ke tuku se vaega o olotou mea ma tino mativa (Mata.6:1-4). E pena foki a tino o te Ekalesia i te kamata e lasi te tausi ki tino mativa (Galu.6; 2Koli.8-9).



## ULUTALA 22: FAKALIKILIKI MÔ TAPUAKIGA

**Tusi Faitau:** Isaia 58:1-12, Esela 8:21-23, Mataio 6:16 –18.

**Pogai:** Ke fakamāina ki tamaliki me i te fakalikiliki, se vaega e tasi o te olaga tapuaki ki te Atua.

### Fakatokāga mō Faia'koga:

Te fakalikiliki e fakauiga ki te se kai ki meakai. A te fakalikiliki mo tapuakiga io me anapogi ko te se kai o tino ki meakai, ona ko te fakafeagai o ia (latou) mo te tapuakiga fakapitoa tena. I te Feagaiga Mua e mafai o fakalikiliki mo tapuakiga a tino i a latou e iloa, io me fai fakatasi ne tino o te fenua (Ese.8:21-23; Nemi.1:4-11).

Te anapogi io me ko te fakalikiliki mo tapuakiga se vaega o te tapuakiga tela e fai fakatasi mo te faitalosaga, talo fakatauanau, a nisi e pei ki gatu lautaga masaesae; e fakaasi i ei te olaga ko pela me ko fakasalagina; e tagi fanoanoa (Nemi.9:1; Tani.9:3) i te salamo ki agasala io me manako ke maua se fakatokaga lei e fai ne te Atua mo latou. Te fakalikiliki tokotasi e pau loa te faiga mo te manatu fakavae i ei mo te faiga tela e fai ne te fenua katoa (2Samu.12:16-23; 1Tupu.21:27. A tino ne fakalikiliki mo tapuakiga i taimi ne masaki i ei (Sala.35:13-14; io me fakatauemugina i ei (Sala.109:4-21).

I te Feagaiga Fou ne fakamalosiga ne Iesu me tau o fai te anapogi mo te loto fiafia (Mata.6:16-18 c.f Saka.8:19); a ko ia foki ne fakalikiliki mo tapuakiga i te kamataga o tena galuega (Mata.4:2), kae ne seki fakamalosi ne ia a ona soko ke fakalikiliki mo tapuakiga (Male.2:18-20). Fakamuli ifo loa i te kamataga o galuega a te kau-Apositolo, ne masani a latou o fakalikiliki mo tapuakiga mafai ko fakatapu i ei ne tino mo te galuega (Galu.13:2-3, 14:23) mo taimi foki kola e feagai ei a latou mo faigata lasi (Galu.27:1-38).

### Mea a'koga mo fakamāina ei a te mataupu:

Fakatoka se tala mo fakamaina ei a te pati tenei "*fakalikiliki*"

### Fakatomuaga:

Kafai se tino e `se kai i taimi leva, mata e mafai o isi se fakalavelave e oko ki te tino tena? Nea a fakalavelave kona?

### Akoakoga:

Ao, a te tino kafai e `se kai i se taimi leva ka mafai a ia o masaki. A te

- Salasala ne ata kola e mafai ei o fakaasi a te olaga tapuaki ki te Atua Fakamatalatala faka'lei ki tamaliki a feitu tãua kola e mafai ei ne tatou o tausi kae faka'malu a te Asotapu.

### Fakatomuaga:

Tamaliki, nea a mea e `tau o fai ne tatou i te Sapati? Sea a te Sapati mō tatou i aso nei?

### Akoakoga:

E pela mo te manakōga o te Atua ke faka'malu ne te fanauga o Isalaelu a te Sapati i te taimi ne tuku atu ei ne ia ki a latou a tulafono e sefulu, e pena foki a te tãua mo te manako mai o ia ke tausi kae faka'malu foki ne tatou a te Asotapu i aso nei. A te Aso Sapati ko te aso ne **malolo** ei a te Atua mai i ana galuega ne fai kae ko `tou Aso Sapati nei ko te Asotapu tela ko malolo ei tatou mai `tou galuega kae fakaaoga ne tatou mo tapuaki atu ei tatou ki te Atua, kae fakamanatu foki ei ne tatou a te Toetu Manumalo mai o Iesu mai i te mate. Tela la e tamaliki, ke se tafao valea tatou i Asotapu kae ke äva kae faka'malu ne tatou a te aso tenei mo avatu ei ne tatou a vikiga mo tavaega o te `tou Atua.

### Mea fai a Tamaliki:

- Fai fesili kae sautala mo au tamaliki ko te mea ke malamalama faka'lei latou i fesili tãua konei.
- Sea a te uiga o te pati Sapati?
- Sea a te Sapati?

Kaia ko faka'malu ei ne tatou i aso nei a te Asotapu kae `se ko te Asoono?

**Fuaiupu Tauloto:** Esoto 20:8 **"Ke tausi kae fakamalu ne koutou te Sapati."**

**Pese:** This is the day that the Lord has made io me fili mai tusi pese

### Talosaga:

Te motou Tamana alofa, `mana kae tapu. Ne faite ne koe matou ke ola tapuaki atu ki a koe i te aso ko oti foki ne fakatoka ne koe. Fakamalosi mai omotou loto ke masaua faeloa ne matou a te tãua o te Asotapu o tausi kae faka'malu ki ei i aso katoa o motou olaga. Amene.